

YOHANES

Itōme Bielea Le Kumεgo I

Yohanes Ōtsere

Yaa Itōme Ne Nse Itā Ngbā.

- ¹ Ta kayi karōkasekō ne,
Itōme pia.
Itōme gu Yaa mpia,
fie Ne nde Yaa.
- ² Itōme gu Yaa pia fie ira biara ose karō.
- ³ Ō iso i Yaa oki obara ira biara,
fie kaira na ne iide ō iso iki fie mabara ne.
- ⁴ Itōme negbe ame i ngbā mōmō pia ne.
Fie ngbā megbe nse mitā maturi ikpawaī ne.
- ⁵ Ikpawaī negbe se ifie ibo i idududu ame,
fie idududu iise iwo ikpawaī ode iso.
- ⁶ Yaa opia ō odabo owē go maro Yohanes.
- ⁷ Ōba ōade maturi ika i ikpawaī iso, so ma
odudu aaki i ō iso mafō made.
- ⁸ Iide Yohanes nde ikpawaī, γεε ne, adansie
kere oba ōade i ikpawaī iso.
- ⁹ Ikpawaī mōmō ne nse ifie itā obiara to iba
kayiiso.
- ¹⁰ Itōme negbe ka ipia i kayi ame, fie ō iso maki
fie mabara kayi, γεε kayiiso iige wū.
- ¹¹ Ōba ō mōmō ade maturi kore, γεε ō ade
maturi iifo wū.
- ¹² Yee mma odudu lofo wū fie mafō wū made
ne, otā ma ole so maakpese Yaa mabi.

13 Maikpese Ҳaa mabi iki i iҫe ame, ana ne iide oṛã gu oṛe kere ikpẽ okã fie maҫe ma, ҫee Ҳaa mómó lobara ma ð mabi.

14 Itõme negbe okpese oturi awune go loyi ku abualera gu onukuare, oḃa ðawe i bo ndẽ. Bonya ð ikpawai ne ofo i Ҳaa kore le ð Oḃi owẽ saã.

15 Yohanes oḃe ika i ð iso. Oḃa kulu oҫe so, “Ngogbe nde oturi go itõme lola looҫere mi so oto ðaba i wũ kama ne oḃo me fafaafã ne. Ka opia kokooko fie maҫe me.”

16 Kumego oyi ku abualera i ð ame oso ne, ðofedza kusekuse ofere i bo oḃiara iso go kufere bo iso owi biara.

17 Ҳaa otã bo mmara okigu i Mose iso, ҫee otã bo abualera gu onukuare iki i Yesu Kristo iso.

18 Kuwẽ iinya Ҳaa onya. Ҳaa Oḃi owẽ saã go lokategu Ҳaa fie opia i ð Ose kore ne, ð loḃi wũ ote maturi ne.

Yohanes Oҫe So Iide O Nde Kristo.

19 Ma Yudase makpakpa ma i Yerusalem opia masoredze gu ma Levise so mase maakare Yohanes so, “Nna kowũ abua aḃe?”

20 Yohanes iikola ma kaira, ҫee oҫere ma oḃi sekelee so, “Iide mme nde Kristo gomó.”

21 Ne makare wũ so, “Iyo fo nde nna? Fo nde Kanyaḃidze Eliya?”

Oḃã ma mmuai so, “Iide mme nde wũ.”

Maledza wũ ikare so, “Fo nde Kanyaḃidze go maҫe mase so ðaba?”

Oḃã ma mmuai so, “Ooҫo.”

22 Ne maҫere wũ so, “Ҳere bo ngo kowũ abua aḃe alasó ikote so boase boatã mma lopia bo katõme mmuai. Fo nde nna?”

23 Yohanes otã ma mmuai le kumεgo i Kanyaɖidze Yesaya oxe so, “Mme nde ngo nto oia kulu i fafuĩ ame oxe so, miledza Bosate ori mise itã ñ iba.”

24 Ne mma i ma Farisise oπia katõme,

25 makare Yohanes so, “Si iide fo nde Kristo, xee Eliya, xee Yaa Kanyaɖidze go boto bonyo ori ne, be oso fie ato apie maturi Yaa ndu?”

26 Yohanes oxere ma so, “Mme ne, losu ndu nto lobara mi ala kubarara gogbe, xee owẽ xe i mi ndẽ go miixẽ.

27 O nde ngo loaba i wũ kama ne, xee mme ne, loikote so loabodzo loɖi ñ ndokota.”

28 Nwagbe oduɖu okẽle i katõ i Betania omagẽ i Yordan owore okpokpo gomɔ ngbego i Yohanes to oπie maturi Yaa ndu.

Yesu Nde Yaa Serererõ Ibi.

29 Go kaɖe osẽ fie Yohanes onya Yesu se oto oia ñ kore ne, oxe so, “Minyo, Yaa Serererõ Ibi ne loafore kayiiso maturi akpi oɖi ma iso ne!

30 O nde ngo iso loxere mi so, ‘Owẽ to oia i wũ kama go loɖo me, alaso ka oπia kokooko fie maxe me.’

31 Mme wũ loixe wũ loɖegu katõ, xee loba nto lopic maturi Yaa ndu si Yaa aadi wũ ote Israel kaɖe.”

32 Yohanes oxe i ñ iso ana so, “Lonya Yaa Siwarã oso le iloɖo sibore i Kato siba siasẽ wũ iso.

33 Loixe wũ loɖegu katõ, xee Yaa go lopia me so lopic maturi ndu oxere me so, ‘Ngo iso aanya wũ Siwarã oso siba siasia ne, ñ nde ngo loapie maturi Siwarã Bielea ne.’

34 Lonya iba ngbɔ, ne ɔso loto loɣere mi sɔ ɔ nde ʒaa ɔbi ne.”

Yesu Ɔkpere Marasuãdze Deakatɔ.

35 Kaɖesẽa gɔ Yohanes gu ɔ marasuãdze inyo ʒɛ

36 fie ɔnya Yesu to ɔfe ne, ɔɣɛ sɔ, “Minyo, ʒaa Serererɔ Ibi mmɔ!”

37 Marasuãdze inyo magbe ɔno nne i Yohanes ɔɣɛ, ne ɔso marui masiai Yesu.

38 Gɔ Yesu ɔpe ɔfiniki fie ɔnya sɔ masiai wũ ne, ɔkare ma sɔ, “Be mito mibie?”

Matã wũ mmuai sɔ, “Rabi,” gɔ karɔ nde, Ratedze, “Botã-ɔ iti i le ise asi?”

39 Ɔɣere ma sɔ, “Miba mianyo.”

Ɔwi gɔmɔ ame ne, ka ito ise kutsue idɔwũ ina ame, ne ɔso masiai wũ mase maawe i ɔ kɔre kutsue gɔmɔ ɔduɖu.

40 Marasuãdze inyo ma lonɔ nne i Yohanes ɔɣɛ fie masiai Yesu mmɔ ɔwẽ nde Andrea, Simon Petro ɔnyiibi.

41 Ira ɖeakatɔ ne ɔbara nde sɔ ɔnyɔnyɔ ɔ ɔnyiibi Simon. Gɔ ɔnya wũ ne, ɔɣere wũ sɔ, “Boɔnya Mesia,” gɔ karɔ nde Kristo ngo masɔla nnɔɪ.

42 Andrea ɔko Simon ɔkelegu Yesu kɔre.

Gɔ Yesu ɔnya wũ ne, ɔnyɔ wũ totoroɔ ɔɣere wũ sɔ, “Ɛɔ nde Yohanes ɔbi Simon ne, ɣɛɛ ita i kinio ne, maarɔ-ɔ sɔ Kefas,” ɣee Petro, gɔ karɔ nde ita siare.

Yesu Ɔkpere Filipino Gu Nataniel.

⁴³ Kaḡeṣṣa ne, Yesu ɔbara adzuni so ɔakale Galilea karɔ̃ iso. Go ɔse i ɔri ne, ɔnya ɔwẽ go maro Filipino, ne ɔgere wũ so, “Siai me.”

⁴⁴ Filipino ana ne, Betsaida go nde Andrea gu Petro merẽ ɔmagẽ ame ide ɔbore.

⁴⁵ Ne kama ne, Filipino ɔse ɔɔnya Nataniel, ɔgere wũ so, “Boɔnya ngo iso i Mose gu ʒaa kanyamaɗidze ɔtsere ara masegu i ʒko Sekelea ame. ʒ nde Yosef ɔbi Yesu go lobore i Nasaret ne.”

⁴⁶ Nataniel ɔkare wũ so, “Akuã! Ira seɛ iwẽ aawo ɔbore i Nasaret?”

Filipo ɔgere wũ so, “Fo ba nyo kere!”

⁴⁷ Go Yesu ɔnya Nataniel se ɔto ɔba ɔ̃ kore ne, ɔge so, “Israelse mɔmɔ go iso i sila kusiwẽ na i ngbe ne!”

⁴⁸ Nataniel ɔkare wũ so, “Nda abara fie atsue ɔturi go igbã loɗe?”

Yesu ɔgere wũ so, “Lonya-ɔ i kubo kayirino fie Filipino aakpere-ɔ.”

⁴⁹ Nataniel ɔgere wũ so, “Rabi, ʒaa ʒbi aɗe. Fo nde Israel Igara ne.”

⁵⁰ Yesu ɔgere wũ so, “Be! ʒofɔ aɗe alaso loɗere-ɔ so lonya-ɔ i kubo kayirino? Ato aanya ara wa lomɔ aɗo nwagbe!”

⁵¹ Ne ɔgere ma so, “Gbagbaã ne, mito mianya kato ɔbusi minya ʒaa makpabo to maya maso i mme, ʒturi Awune ʒbi, iso.”

2

Mako ʒrɔ̃go I Kana.

¹ Ikpenε teare i nnemɔ kama ne, mako ɔrɔ̃go i ɔmagẽ go marɔ Kana i Galilea. Yesu ɔnyi ana ɔwe i mmɔ.

² Makpere Yesu gu ɔ̃ marasuãdze ana makelegu ɔrɔ̃go kakɔkɔ̃.

³ Gɔ ndã me karabara mato mabara ɔro ne, Yesu ɔnyi ɔbore ɔbo wũ ɔɣere wũ sɔ, “Ma ndã ɔro ma iso.”

⁴ Ne Yesu ɔɣere ɔ̃ ɔnyi sɔ, “Mmã, iide fɔ itɔ̃me ide mmɔ. Wũ ɔwi iiɣo.”

⁵ Ne Yesu ɔnyi ɔɣere maɖabo ma i iyo mmɔ sɔ, “Ibiara ne ɔɣere mi sɔ mibara ne, mibara.”

⁶ Gɔ ide ma Yudase kurabara sɔ maafofore so ɔso ne, maɣedza ndu ita abuiku akuɔ i inyamɔ i mmɔ. Ibuiku biara se ifɔ kusorebui kuna ɣee kuru.

⁷ Yesu ɔɣere maɖabo sɔ maɖu ndu mafere i abuiku wamɔ ame si miyi, ne mabara ngbo ne.

⁸ Ne ka ɔɣere ma sɔ, “Mika ndu mikεlegu ɔkpakpa go nto ɔnyɔ araɖea iso.” Ne maka makelegu wũ ne.

⁹ Gɔ ɔtu ndu me loɔkpese ndã ɔnyɔ, fie ɔiɣe ngbegɔ mise, ɣee maɖabo ma maɣe ne, ɔtã makpere ɔrɔ̃go kɔdze matã wũ.

¹⁰ Ne ɔɣere wũ sɔ, “ɔbiara ne, ndã see miɖe ɔse ɔɖe katɔ̃ ɔɖi ɔtã maturi manε, si ka mato marẽ ne, ne ɔse ɔɖi mibea ɔbo ne. ɣee fɔ ne, kini ato aɖi ndã see abɔ ne!”

¹¹ Yesu ɔbara iwawãra ɖeakatɔ̃ negbe i Kana i Galilea karɔ̃ iso. Mmɔ ɔɖi ɔ̃ ɔle ɔte fie ɔ̃ marasuãdze ɔfo wũ maɖe ne.

¹² Ne kama ne, Yesu gu ñ onyi gu ñ manyiibi gu ñ marasuãdze òkele Kapernaum mase maawe i mmo ayi kekeĩ.

Yesu Osa Kuɣa Maɗedze Oɗi I Kasɔrekõ

¹³ Gɔ ma Yudase Kukpi Otakuwara Bo Iyi ɔɔro ɔɔɔ ne, Yesu òkele Yerusalem.

¹⁴ I Ƴaa Isɔreyo ame ne, ɔnya maturi to marɔdẽ manantsuĩ, masere gu ayo ame aloɔɔ gu mma nto manyuarã sikã si i karõ mmo.

¹⁵ Ne ɔso Yesu ɔfẽ iporoibi ala aweĩ ɔsu ɔsa manantsuĩ gu masere ɔɗuɗu ɔɗi i Isɔreyo ame, ɔturi sikã manyuarãdze sipɔrõ gu ma sikã ɔfere i karõ.

¹⁶ Ne ɔɣere mma nto marɔdẽ ayo ame aloɔɔ sɔ, “Mimala mi ara midji i ngbe si minyua Tete iyo ɔsu ɔbara kuɣa ame.”

¹⁷ Ne ñ marasuãdze ɔnyigi itõme ne matsere mase sɔ, “Wũ kudɔɔe gɔ loba lotã fo iyo ɔtã wũ anɔmi ɔrete.”

¹⁸ Ne ma Yudase makpakpa ɔba Yesu kɔre makare wũ sɔ, “Mme iwawãra aawo ɔbara asu asia ita sɔ aba ɔle aabara nne abara i ngbe?”

¹⁹ Yesu ɔtã ma mmuai sɔ, “Mibiɛ Isɔreyo negbe, ɣee akpene ate kama ne, loaledza ne itsue!”

²⁰ Ne ma Yudase ɔkare wũ sɔ, “Be ato aɣe? Aawo akpene ate ɔsu ɔledza iyo ne masu ako sina akuɔ matsue ɔtsue?”

²¹ Ƴee mainɔ karõ sɔ ñ sosina ɔsu ɔto ɔkateragu Isɔreyo.

²² Ne ɔso ɔwi gɔ i Ƴaa ɔɔtara wũ ɔbɔregu i makpise ame ne, ñ marasuãdze ɔnyigi sɔ ɔɣe itõme negbe. Itã mafɔ Ƴaa Itõme ne matsere mase maɗe gu ara wa i Yesu ɔɣere ma.

Yesu Ye Oturi Awune Nsegbai.

²³ Gɔ Yesu ɔwe i Yerusalem ku Kukpi Otakuwara Bo Iyi ide ɔwi gɔmɔ ame ne, maturi gbodzoo ɔfo wũ maɖe ala awawāra wa manya ɔbara ɔso.

²⁴ Yesu iibaragu ma mawẽ, alaso ɔɣe maturi ɔɖuɖu.

²⁵ Iinya sɔ kuwẽ aaxere wũ kumegɔ i maturi awune se alaso ɔ mɔmɔ ɣe ma situ ame.

3

Yesu Ote Nikodemo Ara.

¹ Ma Yudase tɔɖɖe ɔwẽ gɔ marɔ sɔ Nikodemo fie ɔpia i ikuri ne mase marɔ sɔ ma Farisise ɔwe.

² Kasẽ kawẽ ne, ɔba Yesu kɔre ɔba ɔaxere wũ sɔ, “Rabi, boɣe sɔ Ratedze aɖe abɔre i Yaa kɔre ala ara wa ato abara ne, kuwẽ iibawo wã ɔbara si Yaa korɔ iisia wũ iso.”

³ Yesu ɔɣere wũ sɔ, “Gbagbaã nto loɣere-ɔ sɔ si mailedza ɔturi iɣe ne, ɔibanya Yaa sigara ide ɔnya.”

⁴ Ne Nikodemo ɔkare wũ sɔ, “Nda maabara maaledza ɔkpakpa iɣe gɔ ɔisibawo ɔ ɔnyi kayiri ame ɔkpese ɔbo?”

⁵ Ne Yesu ɔɣere wũ sɔ, “Gbagbaã nto loɣere-ɔ sɔ, si maiɣe ɔturi makigu i ndu gu Yaa Siwarã ame ne, ɔibawo Yaa sigarakadekɔ ame ɔbo.

⁶ Maxese nse maxe ɔturi i siturina ame, ɣee Yaa Siwarã nse siɣe ɔturi i siwarã ame.

⁷ Ne ɔso daatã ibara-ɔ ɣaa sɔ nto loɣere-ɔ sɔ ikote sɔ maaledza mi ɔɖuɖu iɣe.

⁸ ɔwiri se ɔkpẽ ɔkele ngbegɔ ide ɔɖɔe, ɣee ɔ kulu kere ide aano, aibatsue ngbegɔ ide ɔbɔre,

ɣee ngbegɔ idɛ ɔsɛ. Ngbo ame ndɛ obiara gɔ maɣe makigu i Siwarã ame ne.”

⁹ Ne Nikodemo ɔkare wũ sɔ, “Nda i nnegbe aabara iaba?”

¹⁰ Yesu ɔɣere wũ sɔ, “Fɔ lɛ ratedzekpakpa i Israel ne, aiɣe nnegbe?”

¹¹ Gbagbaã nto loɣere-ɔ sɔ, ara wa boɣe boto boɣere mi, fiɛ nwa bonya iso boto boɣe mi ika, ɣɛɛ miito mibie sɔ miafɔ nne boto boɣere mi.

¹² Si aito afɔ me aɣe si loɣere-ɔ kayiiso ngbe ara ne, nda aabara fiɛ aafɔ me aɣe si loɣere-ɔ ara wa mpia i kato?

¹³ Kuwẽ iise kato ɔnya idɔ mme, ɔturi Awune ɔbi, gɔ lose i kato ɔba karõ.

¹⁴ “Lɛ kumegɔ i Mose ɔsu aɣe wa mabara ala ibɔra ɔsa i ɔdziri iso i fafuĩ ame ne, ngbo ame idɛ maakɔle mme, ɔturi Awune ɔbi, kato ne,

¹⁵ sɔ mma ɔɖuɖu lofɔ me maɣe ne, maana ngbã me loise miro.

¹⁶ “Alasɔ ɣaa ɔbua ɔto ɔɖɔɛ kayiiso maturi sɔ ɔsu ñ ɔbi ɔwẽ saã ɔtã sɔ obiara gɔ lofɔ wũ ɔɣe ne, ñibawɔ, ɣɛɛ ñana ngbã me loise miro.

¹⁷ Alasɔ ɣaa iipia ñ ɔbi sɔ ɔba ñatã kayiiso maturi ipɔ, ɣɛɛ sɔ si ɔba ñaɣe ma ɔdidze.

¹⁸ “Mma lofɔ ɔbi maɣe ne, ɣaa iitã ma ipɔ, ɣɛɛ mma loifɔ wũ maɣe ne, maɔɣe ipɔ koko alasɔ maifɔ ɣaa ɔbi ɔwẽ saã maɣe.

¹⁹ Nne ɔso i ɣaa sɛ ɔtã maturi ipɔ ndɛ sɔ, ikpawaĩ ɔba kayiiso, ɣɛɛ mato maɔɣe idududu maɔɣe ikpawaĩ alasɔ ma kurabarara ɔnyanyarĩ.

²⁰ Mma ɔɖuɖu nse mabara ara lalaa ɔtsiri ikpawaĩ, fiɛ maisɛ mabie sɔ maabore mabo ne alasɔ maito mabie sɔ ma ara lalaa si are kayi.

21 Үεε mma nse mabara ara i ɔnukuare ɔri iso, mase mabore maba ikpawaĩ kɔre sɔ si iate sɔ mato makã Үaa atsue.”

Ndupiedze Yohanes Ɔɔɔe Ika I Yesu Iso.

22 Nnɛgbe kama ne, Yesu gu ɔ marasuãdze ɔkɛɛ Yudea ibuiti ame. Ɔwegu ma i mmɔ kekɛĩ fie ɔpie maturi Үaa ndu i ɔwore ame.

23 Ɔwi gɔmɔ ame ne, Yohanes ɔ wũ ɔto ɔpie maturi Үaa ndu i Aenon gɔ lobore ɔbo Salim alaso ndu ɔsi i mmɔ. Maturi to maba ɔ kɔre fie ɔto ɔpie ma Үaa ndu.

24 Ɔwi gɔmɔ ame ne, maimɔẽ Yohanes mapia i iyo.

25 Iyi iwẽ ne, karawararã ɔbo i Yohanes marasuãdze gu ɔ Yudase ɔwẽ ndẽ i ma Yudase ifoforeso kubarara iso.

26 Ne ɔso maba maaxere Yohanes sɔ, “Ratedze, ato anyigi ɔrerẽ ɔwẽ gɔ lowegu-ɔ i Yordan kama ise fie aɔɔe ɔ iso aɔansie mmɔ? Kiniɔ ne, ɔ ka nto ɔpie maturi Үaa ndu fie ma ɔɔɔɔ ɔɔsore sɔ makpa ɔ kɔre ne.”

27 Yohanes ɔtã ma mmuai sɔ, “Ɔturi iibawe kaira si iide Үaa lotã wũ.

28 Mi mɔmɔ ɔɔe me aɔansie sɔ loxere mi sɔ, iide me nde Kristo gɔmɔ, ne Үaa lopia me sɔ loɔe wũ katã.

29 Ɔrerẽ gɔ nto ɔko ɔrɔgo ne, ɔ mba ɔrɔgo ne. Ɔ ɔlaa gɔ nde ɔ masaa fie ɔxe i ɔ kɔre ɔto ɔkã wũ atsue se ɔna isoɔɔ si ɔto ɔno ɔ silɔ. Ngbo ame i isoɔɔ ɔɔyi i wũ ame ne.

30 Ne ɔso ɔ iyere aakole kato, xe wũ ire aaba karã.

Ngɔ Lose I Kato Lokɔle Ɖɔɔ.

³¹ “Ngɔ lose i Ƴaa sigarakadekɔ ɔmɔ ɔɔɔ ɔbiara. Ngɔ lose i karɔ iso ne, karɔ iso ɔre ɔɔɔ fie karɔ iso ara iso ɔse ɔɔɔ ika. Ƴee ngɔ lose i kato ne, ɔɔɔ ma ɔɔɔɔɔ.

³² Ɖse ɔɔɔ ara wa ɔnya gu nwa ɔmɔ, ɔɔɔ kuwɛ iise ɔɔɔ ɔ itɔme.

³³ Ƴee ngɔ lofo ɔ itɔme ɔɔɔ ɔsia ita sɔ Ƴaa ne, ɔnukuarese ɔɔɔ.

³⁴ Ngɔ i Ƴaa ɔpia katɔme ne, ɔse ɔɔɔ Ƴaa itɔme, alaso Ƴaa se ɔtã ɔ Siwarã ɔyi i ɔ ame.

³⁵ Ƴaa se ɔɔɔɔ ɔ Ɖbi, fie ɔsu ira biara ɔpia i ɔ ɔle kayirino.

³⁶ “Ɖbiara gɔ lofo Ɖbi ɔɔɔ ba ngbã me loibaro, ɔɔɔ ɔbiara gɔ losɛ Ƴaa Ɖbi atsue ikã ne, ɔibana ngbã, ɔɔɔ Ƴaa kutsue ikpadzɛ sia wũ iso.”

4

Yesu Ɖɔɔɔgu Samaria Ɖrɔɔgo Ɖwɛ Ika.

¹ Ma Farisise ɔmɔ sɔ Yesu to ɔpie maturi Ƴaa ndu, fie ɔto ɔna marasuãdze ɔɔɔ Yohanes.

² Atoa sɔ Yesu mɔmɔ iipie kuwɛ Ƴaa ndu, ɔɔɔ ɔ marasuãdze nto mabara.

³ Ne ɔso Yesu ɔru i Yudea ɔkpese ɔkele Galilea.

⁴ Ƴee ne, ipia sɔ ɔaki i Samaria karɔ iso fie ɔakele.

⁵ Yesu ɔba ɔabo Samaria ɔmagɛ gɔ marɔ sɔ Sikar kabenya. Ɖmagɛ gɔgbe ɔbore ɔbo iputu ne i ma ɔwa Yakob ɔtã ɔ ɔbi Yosef.

⁶ Yakob itubio ne ɔɔɔ pia i mmɔ. Gɔ Yesu ɔba ɔabo mmɔ le kakɔme idɔwũ iweo-inyo ame ne, idɔ wũ ala ɔse ɔso, ne ɔso ɔkpase ɔse i itubio negbe kɔre.

7 Samaria orõgo owẽ oba so oba ãaḍu ndu, ne oso Yesu oḅere wũ so, “Tã me ndu lonẽ.”

8 Owi gomõ ame ne, Yesu marasuãdze orui makpa omagẽ ame maaya araḍea.

9 Orõgo gogbe okare Yesu so, “Nda ibara fie fo o Yudase to akare me Samaria orõgo ndu nea?” Okare wũ ngbo alaso ma Yudase gu ma Samariase iise mafe.

10 Yesu otã wũ mmuai so, “Si oḅe aḅe Yaa karatã gu ngo nto okare-o ndu ne, tee fo bowũ fo loakare wũ so otã-o ndu me nse mitã ngbã.”

11 Orõgo okare wũ so, “Tete, go ana nne aḍu ala ndu, fie itubiõ ana owodoro ne, le aaka ndu me nse mitã ngbã ngbe aboregu?”

12 Eeḅere fo loḍo bo Owa Yakob go loḍi itubiõ negbe otã bo fie õ gu õ mabi gu ma maboi one ndu megbe?”

13 Ne Yesu oḅere wũ so, “Obiara go nse one ndu megbe ne, ome to ãaledza wũ ikore.

14 Yee ngo loane ndu me loatã wũ ne, ome iisibakore wũ onya. Alaso ndu me loatã wũ one to miakpese ndu godẽa me nto mibore mife owi biara i õ ame mitã wũ ngbã me loise miro.”

15 Orõgo oḅere wũ so, “Bosate, tã me ndu megbe lonẽ si ome iisibakore me onya so loibakpese loba ngbe so loba loadu ndu.”

16 Ne Yesu oḅere wũ so, “Kele aakpere fo orã si miba.”

17 Orõgo oḅere Yesu so, “Lona kurã.”

Ne Yesu oḅere wũ so, “Aḅe onukuare so ana kurã.

18 Gbaã idẽ aḅe. Alaso ooyiri marerẽ iru anya, fie ngo iyo asi kinio ana ne, iide fo orã oḍe.”

19 Ɔrõgo ɔɣere Yesu sɔ, “Tete, lonya sɔ ʒaa kanyadidze aɔe!

20 Bo ma Samariase mawa ɔsɔre ʒaa i kube gɔgbe iso, ɣee mi ma Yudase sɔ Yerusalem nde ngbego boasɔre ʒaa.”

21 Ne Yesu ɔɔi kanya sɔ, “Ɔrõgo, fɔ me ɔe sɔ ɔwi to ɔba gɔ maturi iisibasɔre bo Ɔse ʒaa i kube gɔgbe iso, ɣee Yerusalem.

22 Mi ma Samariase ne, miiɣe ngo mito misɔre. ʒee bo ma Yudase ne, boɣe ngo boto bosɔre, alaso bo kɔre i ʒaa idi ɔbɔre.

23 ʒee ɔwi to ɔba fie ɔwi gɔmɔ ɔɔɔ sɔ ʒaa masɔredze gbaã aasɔre wũ i Ɔ Siwarã gu ɔnukuare ame, alaso masɔredze magbe igbã i ʒaa to ɔbie ne.

24 Gɔ ʒaa ne Siwarã ɔɔe ɔso ne, Ɔ Siwarã ɔle gu ɔnukuare ame pe i maturi aawo ɔki fie maasɔre wũ le kumego ikote.”

25 Ne ɔrõgo ɔɣere Yesu sɔ, “Loɣe sɔ Mesia gɔ marɔ sɔ Kristo to Ɔaba, fie si ɔba ne, ɔto Ɔadɔi ira biara ɔɣere bo.”

26 Ne Yesu ɔɣere wũ sɔ, “Mme gɔ mme nto loɔegu-ɔ ika ne, mme nde wũ ne.”

27 Ɔwi gɔmɔ ame ne, Yesu marasuãdze ɔba maabo fie ibara ma ɣaa sɔ ɔto ɔɔegu ɔrõgo ika, ɣee ma kuwẽ iiwo ɔrõgo ɔkare sɔ, “Be ato abie?” ɣee makare Bosate sɔ, “Be ɔso ato aɔegu wũ ika?”

28 Ɔrõgo ɔnyua Ɔ itudura ɔse ɔrui ɔkele ɔmagẽ ame ɔse Ɔaɣere maturi sɔ,

29 “Miba mianyo ɔrerẽ gɔ loɣere me ira biara ne loɔbara lonya i wũ ngbã ame! Bere Ɔ nde Kristo gɔmɔ?”

30 Ne ɔso maturi ɔbɔrɛ i ɔmagẽ ame makele sɔ maanyɔ Yesu.

31 Ɖwi gɔmɔ ame ne, marasuãdze to mapɛ Yesu nrɔɔ sɔ, “Ratedze, boto-ɔ i kukpa sɔ ba dɛ ara!”

32 Ƴɛɛ Yesu ɔɣere ma sɔ, “Loba aɖera wa loɖɛ ɣɛɛ miixɛ wã.”

33 Ne ɔso marasuãdze ɔtse so ikare sɔ, “Bɛrɛ ɔwẽ ɔbɔ wũ aɖera fie boixɛ?”

34 Yesu ɔɣere ma sɔ, “Wũ aɖera ndɛ sɔ loabara ngɔ lopia me katɔme kudɔɛ, lobara karabara ga ɔpia me lowiri.

35 Mi nse miixɛ sɔ, ‘Awa ana loɔkuti fie ɔraɖui aabo kaa,’ ɣɛɛ mme nto loɣere mi sɔ, si minyɔ nkpekɔ iso kukaako ne, mianya sɔ kamɔ ɔbɛ kanya irui!

36 Ngɔ nto ɔsɔrẽ ɔraɖui fie ɔto ɔsa ɔraɖui kanya ɔtã ngbã me loise miro i Ƴaa se ɔtã kuso. Ne ɔso ngɔ losa ɔraɖui gu ngɔ losɔrẽ ɔraɖui isoɣɔ aɖɛ iwẽ.

37 Ne ɔso itɔme negbe pia i ne ame sɔ, ‘Ɖturi ɔwẽ se ɔsa ɔraɖui fie ɔmama ana se ɔsɔrẽ ɔraɖui.’

38 Lopia mi sɔ mise miasɔrẽ ɔraɖui i kakpekɔ ga iide mi lokpẽ ame, maturi mama lobara karabara i mmɔ, ɣɛɛ mi loana kã kusia.”

Ma Samariase Gbodzoo Ɖfo Yesu Maɖɛ.

39 Ma Samariase gbodzoo i ɔmagẽ gɔmɔ ame ɔfo Yesu maɖɛ, alaso ɔrɔgo gɔmɔ ɔɣere ma sɔ, “Ɖɣere me ira biara ne loɔbara lonya i wũ ngbã ame.”

40 Gɔ mabɔrɛ maba ã kɔrɛ ne, mapɛ wũ nrɔɔ sɔ ɔwe i ma kɔrɛ kekeĩ, ne ɔso Yesu ɔwe i ma kɔrɛ ayi anyɔ.

41 Maturi gbodzoo mama ana ofo wũ maḡe go manɔ ɔ itõme.

42 Ne maḡere ɔrõgo so, “Kinio ne, bofo wũ boḡe, iide nne aḡere bo ɔso, ḡee bo mɔmɔ ɔɔnɔ ɔ itõme fie boḡe so ɔ nde kayiiso ðidze gbaã.”

Yesu Ɔsa Ɔkpakpa Ɔwẽ Ɔbi.

43 Ayi anyo kama ne, Yesu ɔbɔre i mmo ɔkele Galilea karõ iso.

44 Atoa so Yesu mɔmɔ ɔḡe ku ɔwi go lofe ame so, “Ḳaa kanyadidze na kuware i ɔ mɔmɔ aḡe ne,”

45 go ɔba ɔabo Galilea ne, mafɔ wũ kukaako, alaso go mase Kukpi Ɔtakuwara Bo Iyi ide i Yerusalem ne, manya ira biara ne ɔbara i iyi kaḡekõ.

46 Yesu ɔkpese ɔkele Kana i Galilea ngbegɔ ɔfinikira ndu ɔbara ndã ɔnya. Abã ɔkpakpa ɔwẽ pia i mmo go ɔbi birereĩ nto ɔnye i Kapernaum.

47 Go ɔnɔ so Yesu ɔbɔre i Yudea ɔba Galilea ne, ɔba ɔape wũ nroõ ɔḡere wũ so ɔba makele Kapernaum si ɔba ɔasa ɔ ɔbi go nto ɔnye fie ɔoro ɔkpi.

48 Yesu ɔḡere wũ so, “Si miinya awawãra gu akparĩ ne, miise mifo miḡe.”

49 Ḳee ɔkpakpa gɔmɔ ɔtã Yesu iti so, “Bosate, loto-ɔ i kukpa so ba bokere si wũ ɔbi iibakpi.”

50 Ne Yesu ɔḡere wũ so, “Kele ne fo ɔbi to ɔawe ngbã.”

Ɔkpakpa gɔḡbe ofo nne i Yesu ɔḡere wũ ɔḡe, ne ɔso ɔrui ɔḡo ma aḡe ori.

51 Ɔwi go ɔse ɔto ɔkele ne, ɔ maḡabo ɔba maḡere wũ so, “Fo ɔbi ɔɔsare!”

⁵² Ɔkare ma so mme owi ame ide osare. Ne matã wũ mmuai so, “Le kakome odowũ owẽ ame ku komakade i kubeto ota wũ iso.”

⁵³ Ne ã ose onyigi so owi gomɔ ame tutuutu ide i Yesu oyere wũ so, “Fo obi to ãawe ngbã,” ne. Ne oso ã gu ã iyo maturi odudu ofo Yesu made.

⁵⁴ Nnegbe nde iwawãra nyɔare ne i Yesu obara i Galilea karõ iso go ose i Yudea oba.

5

Yesu Osa Orerẽ Owẽ I Itubu Kore.

¹ Nnegbe kama ne, go ma Yudase to made ma iyi iwẽ ne, Yesu ose Yerusalem.

² I omagẽ ame ne, kayogodõ kawẽ pia ga mase maro so Maserẽ Kayogodõ. I kã kore ne, ibu iwẽ ne i kukpake kuru oki kulo se fie mase maro ibu negbe so Betesda i ma Yudase side ame.

³ Manyese gbodzoo re i kukpake gogbe kayirino. Ma mawẽ de manobiedze, mawẽ de mabafã gu mma lokpi kasekase.

⁴ (Mare i mmɔ alaso ipoleipole ne, Yaa kpabo se oba ãatidza ndu. Nyese go loadẽ katõ obo me ame si matidza ndu se ona isosare oluwẽ.)

⁵ Orerẽ owẽ re i mmɔ go oto onye ako site farafana.

⁶ Go Yesu onya wũ fie otsue so ãore i mmɔ owi odzoro ne, okare wũ so, “Ato abie so aasare?”

⁷ Ne nyese to otã wũ mmuai so, “Tete, lona kuwẽ go loaputa me opia i ndu ame si matidza me, fie si loto lokpẽ so loabo i ibu ame ne, oturi mama se ode me katõ.”

⁸ Yesu oyere wũ so, “Ta si akarĩ fo okala si ase.”

⁹ Oluwẽ ne, osare, osu ã okala otse ise.

Iyi ne ira negbe ōba ne, ma Yudase Iwarāyi id̄e.

¹⁰ Ne ōso gō ma Yudase makpakpa ōnya ōr̄eṝē gogbe gō ōto ð̄ ōkala ne, maḡere wū so, “Iwarāyi id̄e n̄ome, ne ōso ita iya i bo mmara iso so aala f̄ō ōkala ase.”

¹¹ Ḳ̄eṝē gogbe ōḡere ma so, “Ōr̄eṝē gō losa me loḡere me so, ‘Su f̄ō ōkala si ase.’ ”

¹² Ne makare wū so, “Nna ōḡe loḡere-ō so bara ngbo?”

¹³ Ḳ̄eṝē gogbe iiḡe ngō i Yesu ḡe, fie maturi ana ōsi i mm̄o, ne ōso Yesu ōma ōbo i ma nd̄ē ōrui i mm̄o.

¹⁴ Ne kama ne, Yesu ōnya wū i Is̄ōreyo, ne ōḡere wū so, “Nȳo, kiniō gō ōsare ne, daasibara ikpi so n̄ne loḡo ngbe aaba iabara-ō.”

¹⁵ Ōr̄eṝē gōmō ōrui ōse ð̄aḡere ma Yudase makpakpa so Yesu ōḡe losa wū.

¹⁶ Ne ōso matse Yesu kama iti, alaso ōsa ōturi ku Iwarāyi.

¹⁷ Ḳ̄eṝē Yesu ōḡere ma so, “Wū Ōse to ōbara karabara ōwi biara ame, ne ōso me wū loto lobara karabara.”

¹⁸ N̄ne i Yesu ōḡe ngbe ōt̄a ma Yudase makpakpa ōsia ita so ngbesi maḡoe wū. Manya so iide ma mmara kere mide ōtu, ḡe ana ne, ōsu so ōbara Ḳ̄āa Ōbi gō ite so ōkategu Ḳ̄āa.

Ḳ̄āa Ōbi Ōle Gō Ōba.

¹⁹ Ne Yesu ōḡere ma so, “Gbagbaã nto loḡere mi so, Ḳ̄āa Ōbi iibawo kaira ōbara i ð̄ m̄omō ole ame idō n̄ne ōnya ð̄ Ōse to ōbara, fie n̄ne i Ōse to ōbara ne, ne i Ōbi se ōbara ne.

20 Alaso Ɔse to ɔɔɔɔ Ɖbi ne ɔso ɔse ɔte wũ ira biara ne ɔto ɔbara. Ɔse to ɔ̃ate ara wa lomɔ aɔɔ ngbe go ito iabara mi ɔii.

21 Kumegɔ ame i Ɔse se ɔtara makpise ɔtã ma ngbã ne, ngbo ame i Ɖbi ana se ɔtã mma ɔto ɔɔɔɔ ngbã ne.

22 Ɔse mɔmɔ iise ɔɔɔɔ kuwẽ atõme, ɔɔɔ ɔsu atõme iɔɔ ɔle ɔɔɔɔ ɔpia i Ɖbi nroõ ame.

23 Ɔse ɔbara ngbo so si maturi ɔɔɔɔ aaware Ɖbi le kumegɔ mase maware Ɔse. Ɖbiara go loise ɔware Ɖbi iise ɔware Ɔse go lopia wũ katõme.

24 “Gbaã nto loɔere mi so ngo nse ɔno wũ itõme fie ɔfo ngo lopia me katõme ɔɔɔ ba ngbã me loise miro. Ɔaa iibaɔɔɔ wũ atõme, ɔɔɔ ɔɔɔɔɔ i kukpi ame ɔbo i ngbã ame.

25 Gbaã nto loɔere mi so ɔwi to ɔba fie ɔwi ɔɔɔ go makpise aano Ɔaa Ɖbi silo fie mma lonɔ to maata mase ngbã.

26 Kumegɔ ame i Ɔse ɔɔ ngbã Sate ne, ngbo ame ide ɔbara Ɖbi ana so ɔɔɔ ngbã Sate ne.

27 Fie ɔtã wũ ɔle so ɔɔɔɔ maturi atõme alaso ɔ̃ nɔɔ Ɖturi Awune Ɖbi.

28 “Nnɔɔɔ si idaabara mi ɔaa alaso ɔwi to ɔba go makpise ɔɔɔɔ to maano ɔ̃ silo,

29 fie maata mabɔɔɔ i ma akpibio ame. Mma lobara ara seɔ to maata mase ngbã, ɔɔɔ mma lobara ikpi ana to maata matã kutsue ikpadzẽ.

30 “Loibawo kaira ɔbara i wũ ɔle ame, nse loɔɔɔ maturi atõme le kumegɔ i Ɔaa ɔɔɔ me. Ne ɔso wũ atõme iɔɔ se tɔɔɔɔ, alaso loise lobara nne loɔɔɔ, ɔɔɔ nne i ngo lopia me katõme ɔɔɔ nse lobara.

Mma Nde Yesu Maḍansie.

³¹ “Si loḍe so aḍansie ne, iyo wũ aḍansie iibaḍe onukuare.

³² ḲEE omama pia go nse oḍe me aḍansie fie loxe so nne ose oxe i wũ iso ne, gbaã iḍe.

³³ “Mipia mi makpabo Yohanes kore i wũ iso, fie oḍe aḍansie i onukuare iso.

³⁴ Iiḍe so onya ko inya so loana oturi awune oḍe me aḍansie, xee loto loxe ngbo so si miana iḍi.

³⁵ Yohanes se le okanie go losa, fie miḍe owi kurukutu so miawe i ñ ikpawaã ame ku isoxo.

³⁶ “ḲEE loba aḍansie wa mba orora aḍo Yohanes okpe. Wa nde wũ kurabarara go lose lobara ne. Karabara ga i Tete otã me so lobara loro ne, ka nse kaḍe me aḍansie so ñ lopia me katõme ne.

³⁷ Fie Tete go lopia me katõme ana se oḍe me aḍansie. Miino ñ silo mino fie miinya wũ ana minya.

³⁸ Miise mimoẽ ñ itõme mipia i mi situ ame, alaso miifo ngo opia katõme miḍe.

³⁹ Mise mifafare Oko Sekelea ame, alaso minyo so ne ame miana ngbã me loise miro, xee wũ iso matsere ara wagbe oḍuḍu masegu.

⁴⁰ ḲEE miito mibie so miaba wũ kore fie miana ngbã memo.

⁴¹ “Loito lobie oturi awune ile,

⁴² alaso loxe maturi ma igbã miḍe fie loxe so miise miḍe Yaa i mi situ ame.

⁴³ Loba i wũ Ose ole ame, xee miifo me, si orere oba i ñ momo ole ame ne, mito miafo wũ.

44 Mises midɔɛ sɔ mi malaa si male mi, ɣɛɛ miise mibie sɔ ngɔ ɔnɔwẽ nde Ƴaa si ɔle mi. Ne ɔso nda miabara fie miafɔ me midɛ?

45 “Midaanyɔ ɔri sɔ me loatã mi ipɔ i Tete kɔrɛ. Mose gɔ ame i mi ɔɖuɖu ɔriinyɔ pia ne, ɔ mɔmɔ loatã mi ipɔ ne.

46 Si gbaã idɛ sɔ mifɔ Mose midɛ ne, tee miafɔ me midɛ, alaso wũ iso ɔtsere ara ɔsegu.

47 Ƴɛɛ gɔ miifo nne ɔtsere midɛ ne, nda miabara fie miafɔ nne loɣere mi midɛ?”

6

Yesu Ɖtã Maturi Kukpi Kuru Aɖera Maɖe.

1 Nnegbe kama ne, Yesu ɔwara Galilea itubu ne mase marɔ ana sɔ Tiberia itubu.

2 Maturi gbodzoo siai wũ alaso kumegɔ ɔto ɔsa sinye ɔbara ma ɣii.

3 Yesu gu ɔ marasuãdze ɔya kabemi kawẽ mase maase i kã iso.

4 Ma Yudase Kukpi Ɖtakuwara Bo Iyi idɛ ana ɔɔbore ibo.

5 Gɔ Yesu ɔnyɔ ne, ɔnya maturi gbodzoo to maba ɔ kɔrɛ, ne ɔso ɔkarɛ Filipino sɔ, “Le boaxa aɖera wa losi aaxo mmagbe ɔɖuɖu maɖe?”

6 Ɖɣɛ ngbɔ si ɔkere Filipino ɔnyɔ atoa sɔ ka ɔɣe koko nne ɔto ɔba ɔ̄abara.

7 Ne Filipino to ɔtã wũ mmuai sɔ, “Maturi alafa anyɔ ikpenɛ kuso kɔra iibawo aɖera ɔxa axo mmagbe ɔɖɛ nane kekeĩ kekeĩ!”

8 Mmɔ ne rasuãdze mama gɔ nde Andrea gɔ nde Simon Petro ɔnyiibi ɔɣɛ sɔ,

9 “Ɖbirerẽĩ ɔwẽ pia i ngbe gɔ mba abolo kuboi kuru gu kufarai kunyɔ, ɣɛɛ ne, be i nnemɔ aabara maturi gbodzoo magbe?”

10 Ne Yesu ɔɣere ma sɔ, “Mitã maturi si mase i karõ.” Mmɔ ɔkpa ne ɔso mase i sikua iso. Marerẽ kerekere aade le kukpi kuru ɔɖui.

11 Ne Yesu ɔfo adera ne, ɔpe ɣaa siba i wã iti fie ka ɔsu ɔɣɛɣɛ mma nsi karõ. Ɖfo kufarai kuna fie ɔbara ngbo ame, ɔbiara ɔɖe ara ɔmi.

12 Gɔ ma ɔɖuɖu ɔɖe mami ne, ɔɣere ñ marasuãdze sɔ, “Mimala kupupui ɔɖuɖu ne midaatã kukawẽ si kanina.”

13 Ne ɔso masa kupupui gɔ lokpekpeti i abolo kuboi kuru gɔ i maturi ɔɖe ɔɖuɖu kanya ne, kuyi kusesei kuweo-kunyɔ.

14 Gɔ mma mpia i mmɔ ɔnya iwawãra ne i Yesu ɔbara ne, maɣɛ sɔ, “Gbaã ne, Kanyadɔdze gɔ sɔ ɔto ñaba i ngbe ne!”

15 Ne gɔ Yesu ɔnya sɔ mato mabie sɔ maaba maamɔẽ wũ sigara i so ɔle ame ne, ɔrui i ma kɔre ɔkele kube iso ñ ɔnɔwẽ.

Yesu Ɖse I Ndu Iso.

16 Kutsue gɔmɔ ne, ñ marasuãdze ɔrui makele itubu kɔre.

17 Gɔ maya mabo i ɔkolo ame ne, matse iwa ikele Kapernaum ise, atoa sɔ kaɖe ɔɔro ne, Yesu iiba ñabo ma kɔre.

18 Ɖwi gɔmɔ ne, ndu to miɖa so ala ɔwiri to ɔkpẽ teteree.

19 Gɔ marasuãdze ɔɔwa ɔkolo mase i ndu iso le agu ate ito ikele ana kere ne, manya Yesu se i ndu iso ɔto ɔba ɔkolo kɔre, ne ɔso ifõ ɔmɔẽ ma!

20 ҮҮЕ Yesu ɔҗere ma sɔ, “Midaanigã ne mme lođe!”

21 Ma situ ɔkpase sise, mafɔ wũ mapia i ɔkolo ame kere fie mabo ɔkpokpo ngbegɔ mase ne.

Maturi ɔnyɔnyɔ Yesu.

22 Gɔ kađe ɔsẽ ne, maturi gbodzoo ma lowe i itubu ɔkpokpo gɔmɔ ise ɔnya sɔ ɔkolo ɔwẽ pe lose i mmɔ. Maҗe sɔ Yesu iibo i ɔkolo gɔmɔ ame gu ã marasuãdze ne ma ɔnɔwẽ lorui.

23 ɔwi gɔmɔ ne, sikolo mama dze lose i Tiberia ɔba siabo i ngbegɔ i Bosate ɔpe Үaa siba i aɗera iti ɔsu ɔtã maturi ɔɗe kɔre.

24 Ne ɔso gɔ maturi gbodzoo mamɔ ɔnya sɔ Yesu җee ã marasuãdze na i mmɔ ne, mata mabo i sikolo ame makele Kapernaum sɔ maanyɔnyɔ wũ.

Yesu Nɗe Ngbã Aɗera.

25 Gɔ manya Yesu i itubu ɔkpokpo gɔmɔ ise ne, makare wũ sɔ, “Ratedze, ku mme ɔwi abo ngbe?”

26 Ne Yesu ɔҗere ma sɔ, “Gbaã loto loҗere mi sɔ, miito mibie me alaso minɔ wũ awawãra karõ, җee sɔ mina aɗera miɗe mimi ɔso.

27 Midaamararã so i aɗera wa loanina iso, җee i nwa loase atã ngbã me loise miro. Aɗera wagbe i ɔturi Awune ɔbi aatã mi ne, alaso Үaa gɔ nɗe ɔse ɔpe wũ kufe.”

28 Ne makare wũ sɔ, “Nda boobara fie boawo nne i Үaa to ɔɗɔe ɔbara?”

29 Yesu ɔtã ma mmuai sɔ, “Nne i Үaa to ɔbie sɔ mibara nɗe sɔ miafɔ ngo ɔpia katõme miɗe.”

30 Makare wũ sɔ, “Mme iwawãra aabara ate bo bonya fie boafɔ-ɔ boɗe? Be aawo ɔbara?”

31 Bo mawa ɔɔɛ aɔɛra wa marɔ sɔ mana i fafuĩ ame le kumεgo i ʎaa itõme ɔɔɛ sɔ, ‘ʎaa ɔtã ma aɔɛra wa lobɔɛ i kato maɔe.’ ”

32 Ne Yesu ɔɔɛre ma sɔ, “Gbaã loto loɔɛre mi sɔ, iide Mose ɔɔɛ lotã mi aɔɛra wa lobɔɛ i kato, ɔɔɛ wũ ɔse nse ɔtã aɔɛra gbaã wa lobɔɛ i kato.

33 Alaso aɔɛra wa i ʎaa se ɔtã nde ngo lose i kato ɔba fie ɔse ɔtã kayiiso maturi ngbã.”

34 Ne maɔɛre wũ sɔ, “Bosate, la ɔtã bo aɔɛra wagbe ɔwi biara.”

35 Yesu ɔɔɛre ma sɔ, “Mme nde ngbã aɔɛra wamɔ ne. Ngo loba wũ kɔɛ ne, kukã iibakpẽ wũ kunya, fie ngo lofo me ɔɔɛ ne, ɔme iibakore wũ ɔnya.

36 ʎɛɛ, nto loɔɛre mi sɔ atoa sɔ miɔnya me ne, miifo me mide.

37 ɔbiara go i wũ ɔse ɔsu ɔtã me ne, ɔto ɔaba wũ kɔɛ, fie loibasẽ kuwẽ go loba wũ kɔɛ lonya.

38 Alaso loise i kato loba sɔ loaba loabara wũ kuɔɔɛ, ɔɔɛ ngo lopia me katõme kuɔɔɛ loabara.

39 Fie ngo lopia me katõme kuɔɔɛ nde sɔ loibayura kuwẽ i mma ɔɔɔɔ ɔsu ɔtã me ndẽ, ɔɔɛ sɔ loatara ma ɔɔɔɔ lobɔ ngbã ku iyi tsɔra.

40 Alaso nne i wũ ɔse to ɔbie nde sɔ, ɔbiara go lonya ɔbi fie ɔfo wũ ɔɔɛ ne, ɔana ngbã me loise miro, fie iyi tsɔra ne, loatara wũ ɔse ngbã.”

41 Ma Yudase ɔtse siwũti alaso ɔɔɛ sɔ, “Mme nde aɔɛra wa lose i kato.”

42 Ne maɔɛ sɔ, “Ɔrerẽ gɔgbe ne, iide Yosef ɔbi Yesu ɔɔɛ ɔɔɛ? Boɔɛ ɔ ɔse gu ɔ ɔnyi, ne ɔso le ise ɔto ɔɔɛ sɔ kato ɔse?”

43 Ne Yesu ɔɔɛre ma sɔ, “Minyua so ɔwararã.

44 Kuwẽ iibawo wũ kɔrɛ ɔba si iide Tete ɔ lopia me katõme loboregu wũ ɔpia me, fie loatara wũ loboregu i makpise ame ku iyi tsɔra.

45 Yaa kanyamadidze ɔtsere mase sɔ, 'Yaa to ɔate ma ɔduɔdu ara.' Ne ɔso ɔbiara ɔ nse ɔkã atsue fie ɔse ɔsuã ara ɔboregu i Tete kɔrɛ ne, ɔse ɔba wũ kɔrɛ.

46 Nnɛgbe iite sɔ kuwẽ ɔɔnya Tete ɔnya. Ngo lobore i Yaa kɔrɛ pɛ nde ngo loɔnya Tete ɔnya.

47 Gbaã loto loyere mi sɔ ngo lofo ɔde ne, ɔba ngbã me loise miro.

48 Mme nde adera wa nse atã ngbã.

49 Mi mawa ɔde adera wa marɔ mana i fafuĩ ame, yɛɛ makpi.

50 Yɛɛ adera wa nse abore i kato ne, adɛ adera wa i ɔbiara ɔ loɔde wã iibakpi.

51 Mme nde adera wa mba ngbã fie abore i kato ne. ɔbiara ɔ loɔde adera wagbe ne, ɔto ɔase ngbã sɔ ɔibakpi. Adera wa loatã wũ nde wũ sosina dze loasu lotã sɔ kayiiso maturi aana ngbã."

52 Ne ma Yudase ɔtsɛgu sɔ kakpadzẽ i sikipã ame mato makare sɔ, "Nda i ɔrerẽ ɔɔgbe aasu ɔ siturina ɔtã bo boɔde?"

53 Ne Yesu ɔyere ma sɔ, "Gbaã loto loyere mi sɔ, si miawe ɔturi Awune ɔbi sina, mine ɔ ima ne, ngbã kumiwẽ iibawe i mi ame.

54 Ngo lowe wũ siturina, fie ɔne wũ ima ba ngbã me nna katui fie loatara wũ loboregu i makpise ame ku iyi tsɔra.

55 Alaso wũ siturina nde adera momo fie wũ ima nde ira sɛɛ ne maane.

⁵⁶ Ngɔ lowe wũ siturina fiε ɔnε wũ ima ne, ɔpia i wũ ame fiε mme wũ lopia i ɔ̃ ame.

⁵⁷ Kumεgɔ i Tete gɔ mba ngbã ɔpia me katɔme fiε iki i ɔ̃ ame ne loba ngbã ne, ngbɔ ame i ngɔ lowe wũ siturina aawe ngbã ne.

⁵⁸ Nwagbe ndε aɔera wa lose i kato aba ne, aise lε nwa i mi mawa ɔɔε xεε makpi. Ɔbiara gɔ loadε aɔera wa loto loxε ala ngbe iibakpi ɔnya.”

⁵⁹ Yesu ɔxε ara wagbe gɔ ɔto ɔte ara i ma Yudase kasarekɔ̃ i Kapernaum.

Atɔme Wa Nse Atã Ngbã Mε Loise Miro.

⁶⁰ Gɔ marasuãdze gbodzoo ɔno ara ite negbe ne, maξε sɔ, “Ara wa ɔto ɔte ngbe ba ɔle gbaã! Nna loafo wã?”

⁶¹ Atoa sɔ kuwẽ iixere Yesu kuira ne, ɔxε nne siwũti mato, ne ɔxere ma sɔ, “Mi wũ nnegbe ɔta iya mi iso?”

⁶² Ne iyɔ nda iabara mi si minya Ɔturi Awune Ɔbi ɔya ɔkεlε kato ngbegɔ ɔwe koko.

⁶³ Yaa Siwarã nse sitã ngbã, ɔturi ɔle na i kuira ame. Atɔme wa loxere mi ne, siwarã gu ngbã aɔε.

⁶⁴ Yεε mi mawẽ iifo me miɔε.” Yesu ɔxere ma ngbɔ ala ta karɔkasekɔ̃ ne, ɔxε mma loifo wũ maɔε gu ngɔ loadɔ̃ wũ ɔtã.

⁶⁵ Ne ka ɔxere ma ana sɔ, “Nnegbe ɔso loxere mi sɔ kuwẽ iibawo wũ kɔre ɔba si iide Tete loɔi wũ ɔri ne.”

⁶⁶ Ita i ɔwi gɔgbe ame ne, Yesu marasuãdze gbodzoo ɔkpese wũ i kama sɔ maisibasiai wũ.

⁶⁷ Ne Yesu ɔfiniki ɔkare marasuãdze iweo-inyɔ ma wũ sɔ, “Mi wũ miakpese me i kama?”

⁶⁸ Simon Petro otã mmuai so, “Bosate, nna kore boakere? Aba atome wa nse atã ngbã.

⁶⁹ Fie ana ne, bofo bofe, fie boxe so fo nde Jsekelea go lobore i Yaa kore.”

⁷⁰ Ne Yesu oxere ma so, “Iide mi maturi iweo-inyo loji lotã so? Yee mi nde owẽ de Jbosam!”

⁷¹ Yesu oxe nnegbe i Yuda go nde Simon Iskariot obi iso. Alaso atoa so oje maturi iweo-inyo nde owẽ ne, o nto oadi wu otã ne.

7

Yesu Gu O Manyibi Iso Itome.

¹ Nnegbe kama ne, Yesu owe oki i Galilea, oibie so oapese okiki i Yudea karõ iso ala ma Yudase makpakpa to mabie so mafoe wu.

² Owi go ame mase made Kukpake Ame Ise Iyi obore ibo.

³ Ne oso Yesu manyibi oxere wu so, “Bore i ngbe si akere Yudea so fo marasuãdze aanya ara wa ato abara.

⁴ Alaso obiara go nto obie so ofo iyere iise obara ara owerẽ. Go ato abara ara wagbe ne, ta kayiiso odudu si matsue-o!”

⁵ Maxe ngbo ala nane o manyibi iifo wu made.

⁶ Yesu oxere ma so, “Wu owi iixo, mi ne, owi biara le otã mi.

⁷ Kayiiso maturi iibawo mi otsiri, xee matsiri me, alaso nse loji ma ara nyanyarã loxere ma.

⁸ Mikele iyi kadekõ ne mme loito loba alaso wu owi see iixo.”

⁹ Go oxere ma ngbo ne, ka owe i Galilea.

Yesu Ose Kukpake Ame Iyi Kadekõ.

10 Gɔ ɔ̃ manyiibi ɔ̃kɛɛ iyi kaɔɔkɔ̃ kama ne, Yesu ɔ̃ wũ ɔ̃ba ɔ̃akɛɛ i iwɛɛ ame, ɔ̃kɛɛ ɔ̃ikeɛ kpawee.

11 Ma Yudase makpakpa ɔ̃tse wũ inyɔnyɔ, ne mato makare sɔ, “Le i ɔ̃rerɛ̃ gɔmɔ pia?”

12 Maturi gbodzoo ɔ̃ɔɛ siwɔwɔi i Yesu iso. Mawɛ sɔ ɔ̃turi sɛɛ ɔ̃ɔɛ, mawɛ ana sɔ, “Ooɔo! ɔ̃to ɔ̃kã maturi ɔ̃yura!”

13 Ƴɛɛ kuwɛ̃ iixɛ kaira i ɔ̃ iso kpawee alaso mato manigã ma Yudase makpakpa.

Yesu ɔ̃te Ara I Iyi Kaɔɔkɔ̃.

14 Iyi ne mato maɔɔ ndɛ̃ndɛ̃ ne, Yesu ɔ̃ba ɔ̃abo Ƴaa Isɔɛyo ame ɔ̃tse ara ite.

15 Ibara ma Yudase makpakpa ɔ̃ii matse ikare sɔ, “Nda ibara fie ɔ̃rerɛ̃ gɔgbe ɔ̃ɛ ara ngbɔ gɔ ɔ̃ifo ikpadzɛ̃ kuiwɛ̃?”

16 Ne Yesu ɔ̃ɔɛ ma sɔ, “Ara wa loto lote ne, iide mme mɔmɔ are aɔɔ, ɔ̃kɛɛ Ƴaa gɔ lopia me katɔ̃me are aɔɔ.

17 ɔ̃biara gɔ nto ɔ̃bie sɔ ɔ̃abara Ƴaa kuɔɔɛ to ɔ̃atsue si ara wa loto lote ne, wũ ɔ̃le iso iɔɔ, ɔ̃kɛɛ Ƴaa ɔ̃le ame abɔɛ.

18 ɔ̃turi gɔ nse ɔ̃ɔɛ ika i ɔ̃ ɔ̃le ame sɛ ɔ̃bie iyere ɔ̃tã sɔ, ɔ̃kɛɛ ngɔ nto ɔ̃bie iyere ɔ̃tã ngɔ lopia wũ katɔ̃me sɛ ɔ̃ɔɛ ɔ̃nukuare fie sila kusiwɛ̃ na i ɔ̃ ame.

19 Iide Mose lotã mi mmara? Ƴɛɛ mi kuwɛ̃ iito miɔɔ mmara iso. Be ɔ̃so mito mibie sɔ miadɔe me?”

20 Mmamɔ ɔ̃ɔɛ sɔ, “Siwarã lalaa pia i fɔ ame! Nna nto ɔ̃bie sɔ ɔ̃adɔe-ɔ?”

21 Ne Yesu ɔ̃tã ma mmuai sɔ, “Iwawãra iwɛ̃ saã ne lobara ɔ̃bara mi ɔ̃ii.

²² Mose otã mi mmara so mitu sirerẽ, xee iide Mose owi i sirerẽ itu ose karõ, ka mase mabara ne ta mi mawa owi, ne oso mise mitu mi mabi sirerẽ ku Iwarãyi ne.

²³ Si maawo oturi sirerẽ otu ku Iwarãyi, xee maitu Mose mmara ne, be oso fie mito minagu me sikipã so losa oturi ku Iwarãyi?

²⁴ Midaanyo maturi i katõ miyegu ma atõme, xee miye atõme i ori iso.”

Maturi Okare So Bere Yesu Nde Kristo?

²⁵ Mawẽ i Yerusalem otse ikare so, “Iide orerẽ gogbe i makpakpa to mabie so maḍoe ne?”

²⁶ Xee minyo wũ! O nxe i ngbe oto oḍe ika i ogbami, xee maito mawo wũ kura oḍere! Eebere ofo maḍo wũ gbaã so o nde Kristo?

²⁷ Si Kristo oḅa ne, kuwẽ iibatsue ngbego obore, xee orerẽ gogbe ne, boxe ngbego obore.”

²⁸ Go Yesu to ote ara i Isoreyo ame ne, oḅa kulu teteree oxe so, “Mibua miye me gu ngbego lobore? Loiba i mme momo ole ame. Ngo lopia me katõme ne, nukuarese oḍe, fie miixe wũ.

²⁹ Xee mme loxe wũ alaso o kore lobore fie o lopia me katõme.”

³⁰ Nnegbe oso ne, mabie so si mamõ wũ, xee kuwẽ iiwo korõ oḍi osia wũ iso alaso o okpiwi iixo.

³¹ Xee maturi gbodzoo i ma ndẽ ofo wũ maḍe mato makare so, “Si Kristo oḅa ne, oḅara awawãra wa loḍo nwa i orerẽ gogbe oḅara?”

Mapia Isoreyo Madzuẽse So Mamõ Yesu.

³² Ma Farisise ono maturi gbodzoo to maxe siwawoi dzegbe i Yesu iso, ne oso ma gu

masoredze makpakpa ɔpia madzuẽse so mamɔẽ wũ mabo.

³³ Ne Yesu ɔɣe so, “Loto loawe i mi kɔre ɔwi kekẽĩ, ne kama ne, loakpese lokẽle ngo lopia me katõme kɔre.

³⁴ Mito miabie me, ɣee miito mianya me, alaso miito miaɣo ngbego loawe ɔba.”

³⁵ Ne ma Yudase makpakpa ɔkare so so, “Le ɔto ɔba ãakẽle fie boabie wũ boibanya wũ? Ɖbie ɔto so ãakẽle ma Yudase ma mpia i ma Helase simagẽ ame ɔse ɔate ma Helase ara?

³⁶ Itõme ne ɔɣe ngbe karõ ɣee? Ɖɣe so, ‘Mito mianyɔnyɔ me, ɣee miibanya me.’ Ɖɣe ana so, ‘Ngbego lose ne, miibawo ɔba.’ ”

³⁷ Iyi tsɔra ne lobua inya idɔ i iyi ide ame ne, Yesu ɔta ɔya ɔla kulu teteree so, “Ɖbiara go i ɔme to ɔkore si ɔba wũ kɔre ɔba ãane ndu.

³⁸ Ɖbiara go lofo me ɔde fie ɔne ndu megbe ne, le kumego i Ɖko Sekelea ɔɣe ne, ‘Ndu me loise misõ fie mise mitã ɔturi ngbã aabore ɔkore mibore i ã ɔtu ame.’ ”

³⁹ Yesu ɔɣe nnegbe i Siwarã dze mma lofo wũ maɔe aafɔ iso. Ɖwi gɔmɔ ame ne, go Yesu iita ɔbɔre i makpise ame ɔkẽle ikpawaĩ ame ɔso ne, Ƴaa iisu Siwarã Bielea ɔtã marasuãdze.

Iɣɣeso Ɖbo I Ma Yudase Ndẽ.

⁴⁰ Maturi gbodzoo mamɔ mawẽ ma lonɔ nne i Yesu ɔɣe ɔɣe so, “Gbaã ɔrerẽ gɔgbe ne, Ƴaa Kanyadidze ɔde.”

⁴¹ Mamama ana so, “Ɖ nde Kristo.”

Ƴee mamama ana so, “Kristo iibabɔre i Galilea.

⁴² Ɖko Sekelea ɔɣe so Kristo ne, David ɔwa tete ãaɔde fie ãabɔre i Betlehem ngbego i David ɔse.”

⁴³ Ne ɔso iɣeɣeso ɔbo i ma ɔduɔdu ndě ala Yesu ɔso.

⁴⁴ Mawě ɔbie sɔ si mamɔě wũ, ɣee kuwě iiwo kɔrɔ ɔɔɔ ɔsia wũ iso.

Ma Yudase Makpakpa Iifɔ Yesu Maɔe.

⁴⁵ Gɔ madzuěse ɔkpese makele ne, masɔredze makpakpa gu ma Farisise ɔkare ma sɔ, “Be ɔso fie miimɔě wũ mibo?”

⁴⁶ Madzuěse ɔtã mmuai sɔ, “Boino bono kuwě ɔɔe ika le ɔrerě gɔgbe!”

⁴⁷ Ne ma Farisise ɔkare ma sɔ, “Mi wũ ne, ɔɔpia mi iti ndu?”

⁴⁸ Mionya minya ɔkpakpa ɔwě, ɣee ɔ Farisise ɔwě ɔfo wũ ɔɔe?

⁴⁹ Maturi gbodzoo magbe iiɣe Mose mmara, ne ɔso ɣaa sigbarĩ siai ma!”

⁵⁰ Nikodemo gɔ nde ma ndě ɔwě fie ɔɔse Yesu kɔre ɔnya ɔɣere matsɔra sɔ,

⁵¹ “Bo mmara iitã bo ɔri sɔ boatã ɔturi ipɔ ku ɔwi gɔ ame boiɣegu wũ atɔme bono ɔ kanya ame itɔme.”

⁵² ɣee matã wũ mmuai sɔ, “Fɔ wũ Galilea abɔre? Fafare ɔko Sekelea ame kukaako ne ato aatsue sɔ ɣaa Kanyadɔdze kuwě iibabɔre i Galilea ɔnya.”

⁵³ (Ne ɔso obiara ɔrui ɔkele ɔ iyo.)

8

Mamɔě ɔrɔgo ɔwě Gɔ Nto ɔɔe Asɔrɔ

¹ Yesu ɔ wũ ɔrui ɔkele Nnoĩ Adziri Kube iso.

² Kadeseã kaya tutuutu ne, ɔkpese ɔba ɣaa Isɔreyo. Maturi ɔduɔdu ɔba ɔ kɔre fie ɔse i karɔ ɔtse ma ara ite.

³ Maratedze gu ma Farisise oko ɔrɔgo ɔwẽ go mamɔẽ go ɔto ɔɔɔ asɔrɔ mabɔ maaxɛɔza i ɔgba ame.

⁴ Mayere Yesu sɔ, “Ratedze, mamɔẽ ɔrɔgo gɔgbe kɔrɔ kɔrɔ go ɔto ɔɔɔ asɔrɔ.

⁵ I mmara mɛ i Mose ɔtã bo kanya ne, ikote sɔ boape wũ ata boɔɔe, xɛɛ ne, be ato axɛ i ne iso?”

⁶ Makare Yesu itɔme nɛgbe si mala wũ manyɔ si maana itɔme nɛ iso maaya fie maatã wũ ipɔ.

Xɛɛ Yesu ɔkadza ɔto ɔtsɛɛ ara i karɔ ala ñ iroĩ.

⁷ Gɔ mayɛ matogu Yesu itɔme ikare ne, ɔtara iti kato ɔxere ma sɔ, “Mi ndẽ ngo loibara ikpi ɔnya si ɔɔɔ katɔ ɔpe ɔrɔgo gɔgbe ita.”

⁸ Yesu ɔledza ikadza ɔto ɔtsɛɛ ara i karɔ.

⁹ Gɔ manɔ itɔme nɛgbe ne, marui ɔwẽ ɔwẽ ita i makpakpa iso iba iakuti Yesu gu ɔrɔgo ɔnɔwẽ.

¹⁰ Gɔ Yesu ɔtara so fie ɔnya sɔ ma ɔɔɔɔɔ ɔɔrui ne, ɔkare wũ sɔ, “Ɔrɔgo, i ɔɔɔ ma? Ma kuwẽ iitã-ɔ ipɔ?”

¹¹ Ne Ɔrɔgo ɔtã mmuai sɔ, “Ooɔo, Bosate.”

Ne Yesu ɔxere wũ sɔ, “Iyɔ mme wũ loitã-ɔ ipɔ. Kɛɛ, xɛɛ daasibara ikpi ana.”

Yesu Nɔɔ Kayiiso Ikpawaĩ.

¹² Nnɛmɔ kama ne, Yesu ɔɔɔɔɔ mmamɔ ika ɔxere ma sɔ, “Mme nɔɔ kayiiso ikpawaĩ, ne ɔso ɔbiara gɔ losiai me iibase i idududu ame ɔnya xɛɛ ñana ngbã ame ikpawaĩ.”

¹³ Ma Farisise ɔxere wũ sɔ, “Ato aɔɔ aɔɔansie i fɔ mɔmɔ iso, ne ɔso fɔ aɔɔansie iide ɔnukuare.”

¹⁴ Ne Yesu ɔtã ma mmuai sɔ, “Si loɔɔ so aɔɔansie kɔra ne, wũ aɔɔansie ɔɔɔ ɔnukuare alaso loxɛ

ngbego lose loba gu ngbego lose. Mi ne, miixe ngbego lose gu ngbego lose.

¹⁵ Mi ne, maturi ara inyo kanya mise mixe mi atome, xee mme ne, loise loxegu kuwe atome.

¹⁶ Fie si loxe itome ana ne, wu atome ixe to iaya, alaso iide wu onowe mme nse loxe, xee bo gu ngo lopia me katome.

¹⁷ Matsere mapia i mi mmara oko ame so si maturi inyo ode adansie i ira iso ne, iyo ma itome de onukuare.

¹⁸ Mme ne, nse loxe so adansie fie Tete go lopia me katome ana se ode me adansie.”

¹⁹ Ne mato makare Yesu so, “Le i fo Ose pia?”

Ota ma mmuai so, “Miixe me, fie miixe Tete ana. Si oxe mixe me ne, tee miatsue wu Ose ana.”

²⁰ Yesu ote ara wagbe i Isoreyo ngbego mase mato ara mase. Kuwe iiwo wu ome alaso o okpiwi iyo.

²¹ Yesu oledza ma ixere so, “Loto loarui i mi kore, miabie me, xee miakpi i mi akpi ame. Ngbego lose ne, miibawo mmo oba.”

²² Ne ma Yudase to makare so so, “Odoe oto obie so adoe so oso fie oto oxe so ‘Ngbego lose ne miibawo oba’?”

²³ Ne Yesu oxere ma so, “Mi ne, kayiiso ngbe mibore, xee mme ne, kato lobore. Mi ne, kayiiso maturi mide, xee mme ne, loibore i kayi gagbe iso.

²⁴ Ne oso loto loxere mi so mito miakpi i mi akpi ame ne. Si miifo mide so mme nde ngo loxe ne, miakpi miwe i mi akpi ame.”

²⁵ Makare wu so, “Fo nde nna?”

Ne otã ma mmuai so, “Looxere mi ta karõkasekõ fie ngbo ame loto loxere mi ne.

²⁶ Loba atõme gbodzoo i mi iso wa loasu lotã mi ala ipõ, xee ngõ lopia me katõme ne, nukuaresẽ oðe. Fie nne lonõ lobõregu i õ kore imomo loto lope lotã kayiiso.”

²⁷ Maitsue so Yaa iso i Yesu to oðe ika.

²⁸ Ne oso Yesu oxere ma so, “Owi go miakole Oturi Awune Obi kato ne, owi gomõ ame miatsue so Mme nde ngõ Loðe ne. Ana ne, miatsue so loise lobara kuira i wũ ole ame, xee nne i Tete oxere me lose loxe.

²⁹ Ngõ lopia me katõme piagu me fie õise onyua me ose, alasõ nse lobara õ kudõe owi biara ame.”

³⁰ Maturi gbodzoo ma lonõ ara wa i Yesu oxẽ ngbe, ofõ wũ maðe.

Yesu Odi Mma Nde Abraham Mawa Ote.

³¹ Ne Yesu oxere ma Yudase ma lofõ wũ maðe so, “Si mibara i ara wa lote mi iso ne, iyo wũ marasuãdze mõmõ miðe.

³² Miatsue onukuare, fie onukuare aatã mi iseguso.”

³³ Maõere wũ so, “Abraham mawa boðe, fie boiðe kuwẽ masande. Ne oso be oso fie ato axe so boana iseguso?”

³⁴ Ne Yesu oxere ma so, “Gbaã loto loxere mi so obiara go nse obara ikpi ne, ikpi osande oðe.

³⁵ Osande iise owe i iyo owi biara ame, xee iyo obi se owe i iyo owi biara.

³⁶ Ne oso si Yaa Obi otã mi iseguso ne, miasegu so gbaã.

³⁷ LoƷe sɔ Abraham mawa miɖe, Ʒee mito mibie sɔ si miɖoe me alaso wũ atõme iimoẽ mi otu.

³⁸ Nne lonya i Tete kɔre loto loƷere mi, fie mi wũ nne minɔ i mi ose kɔre mito mibara.”

³⁹ Matã wũ mmuai sɔ, “Abraham mawa boɖe.”

Yesu oƷere ma sɔ, “Si Abraham mawa miɖe ne, tee miabara ara le Abraham awe.

⁴⁰ Ʒee kinio ne, mito mibie sɔ miadɔe me, mme go nto loƷere mi onukuare go lonɔ lobɔreƷu i Ʒaa kɔre. Abraham iise ngbã ngbɔ.

⁴¹ Mi ne, ara wa i mi ose mɔmɔ obara mito mibara.”

Ma Yudase otã Yesu mmuai sɔ, “Iiɖe omagẽ ame mabi boɖe. Ose owẽ saã go boba nde Ʒaa!”

Yesu Oɖi Mma Nɖe Tsirise Mabi Ote.

⁴² Ne Yesu oƷere ma sɔ, “Si biele ne Ʒaa nde mi Ose ne, tee miadɔe me alaso Ʒaa kɔre lobɔre loba i ngebe. Loiba i wũ mɔmɔ ole ame, Ʒee ñ lopia me katõme.

⁴³ Be oso fie miito minɔ nne loto lote mi karõ? Go miito mibie sɔ minɔ wũ itõme oso.

⁴⁴ Obosam mabi miɖe, fie mito mibie sɔ miabara ara wa nse akpẽ mi ose okã. Ta karõkasekõ ne, turidɔese oɖe fie ñise oɖe onukuare alaso onukuare na i ñ ame. Si oto ola sila ne, otu iise okpa wũ alaso ne nde ñ ngbã ne. Ladze oɖe fie ñ nde maladze oɖuɖu ose.

⁴⁵ Ʒee mme ne, onukuare loto loƷere mi, fie ne oso miifo me miɖe ne.

⁴⁶ Mi nna loawo me oƷere sɔ loɖe ipo ala lobara ikpi? Si loto loƷere mi onukuare ne, be oso miito miifo me miɖe?

47 Ngɔ lobɔɛ i ʒaa kɔɛ sɛ ɔkã ʒaa itõme atsue. Mi ʒɛɛ ne, iide ʒaa kɔɛ mibɔɛ, ne ɔso miito mikã atsue ne.”

Yesu Ɔɔi So Ɔte Ma Yudase.

48 Ne ma Yudase ɔɣere wũ sɔ, “Si boɣere-ɔ sɔ ɔ Samariase aɔɔ ne siwarã lalaa pia i fɔ ame ne, bola sila?”

49 Yesu ɔtã ma mmuai sɔ, “Siwarã lalaa na i wũ ame. Loto lokɔɛ Tete iyere kato, ʒɛɛ mito mibo me karõ.

50 Loito lole so, ʒɛɛ ɔwẽ pia gɔ nse ɔle me. Ɔ ndɛ atõmɛɣɛdze bɔbɔla ne.

51 Gbaã loto loɣere mi sɔ ngɔ nse ɔbara i wũ ara ite iso iibakpi ɔnya.”

52 Ne ma Yudase ɔɣere wũ sɔ, “Kini bosia ita sɔ gbaã ne, siwarã lalaa pia i fɔ ame ne! Abraham ɔkpi, fie kanyamaɔɔidze ana ɔkpi. ʒɛɛ ato aɣere bo sɔ ngɔ lobara i fɔ ara ite iso iibakpi ɔnya.

53 Boifo nne ato aɣɛ boɔɔe alasɔ bo ɔwa Abraham ɔkpi, fie kanyamaɔɔidze ana ɔkpi. Mme ɔturi igbã ato abu so sɔ aɔɔ?”

54 Ne Yesu ɔɣere ma sɔ, “Si ɔle loto so ne, iyo ile nɛmɔ iide kuirã. ʒɛɛ ngɔ nse ɔle me ndɛ wũ Ɔse, ngɔ ame mito mikpere sɔ mi ʒaa.

55 Miiɣɛ wũ, ʒɛɛ mme loɣɛ wũ. Si loɣɛ sɔ loiɣɛ wũ ne, loakpese ladze ɛ mi. ʒɛɛ mme loɣɛ wũ fie lose lokã wũ atsue.

56 So ɔɣɔ mi ɔwa Abraham gɔ ɔtsue sɔ loto loaba. Ɔnya ne, fie so ɔɣɔ wũ.”

57 Ma Yudase ɔɣere wũ sɔ, “Gɔ aifo ako siru ne ɔɣɛ ato sɔ anya Abraham?”

58 Yesu ɔɣere ma sɔ, “Gbaã loto loɣere mi sɔ si maɣɛ Abraham ne, ka lopia kayi.”

⁵⁹ Gɔ ɔɣe ngbo ne, mamala ata so si mapɛ wũ maɔɔe ɣee Yesu ɔwere ɔbɔre i ma ndẽ i Isɔreyo ame mmo.

9

Yesu Ɔsa Nɔbiɛdze Ɔwẽ.

¹ Gɔ Yesu se ɔto ofe ne, ɔnya ɔrerẽ ɔwẽ gɔ maye nɔbiɛdze.

² Ɔ marasuãdze ɔkare wũ so, “Ratedze, nna lobara ikpi ɔso fie maye wũ nɔbiɛdze? Ɔ mɔmɔ eɛberẽ ã mayese lobara ikpi?”

³ Ne Yesu ɔɣere ma so, “Iɛde ɔrerẽ gɔgbe ɣee ã mayese lobara ikpi, ɣee maye wũ ngbo so si Ƴaa aadɪ ã ɔle ɔte iki i ã iso.

⁴ Ayi kumegɔ bopia i ikpenɛ ame ne, ikote so boabara ngɔ lopia me katɔme karabara. Kasẽ to kaba gɔ kuwẽ iisibabara karabara.

⁵ Ayi kumegɔ lopia i kayiiso ne, mme nde kayiiso ɔkanie.”

⁶ Gɔ Yesu ɔɣe ngbo ne, ɔtua sinyatu ɔfere i karɔ ɔsu ɔbara ibata ɔsu ɔnukutu i ɔrerẽ gɔmɔ anɔmi iso.

⁷ Ɔɣere wũ so, “Kɛle aapie ndu i Siloa ibu ame.” Siloa karɔ nde so ɔpia wũ katɔme. Ne ɔso ɔrerẽ gɔgbe ɔrui ɔse ɔapie ndu i ibu ame ɔtse ara inya, fie ɔkpese ɔba.

⁸ Gɔ ã kagbamiku maturi gu mma nse manya ɔwanyɪ ara ɔnya wũ ne, makare so, “Iɛde ɔrerẽ gɔgbe nse ɔse ɔwanyɪ ara?”

⁹ Mawẽ so ã ɔɔde, mamama ana so, “Ooɣo, ɔre kere ɔre wũ.”

Ne ã mɔmɔ ɔɣere ma so, “Mme loɔe.”

10 Makare wũ so, “Nda ibara fie fo anomi obusi?”

11 Otã ma mmuai so, “Ɔrerẽ go maro so Yesu oɔɔ lobara ibata onukutu me anomi fie oɔɔere me so lokoɔ loapie ndu i Siloa ibu ame. Ne go lobara ne, lotse ara inya.”

12 Makare wũ so, “I le oɔɔia?”
Ne oɔɔere ma so, “Loiye.”

Ma Farise Ɔfafare Nobiedze Isosare Ame.

13 Mako Ɔrerẽ go loɔɔ nobiedze ngbe makelɔgu ma Farise kore.

14 Iyi ne i Yesu obara ibata oɔso oɔsa Ɔrerẽ goɔɔbe ne, Iwarãyi iɔɔ.

15 Ma Farise oledza wũ ikare kumego iɔɔ obara fie o anomi obusi. Oɔɔere ma so, “Obara ibata oɔsia me i anomi iso fie lose loafore katõ kere ne lotse inya ne.”

16 Ma Farise mawẽ oɔɔe so, “Ɔrerẽ go lobara ira negbe ne, iide Ƴaa kore iɔɔ obore ala oisẽ oware Iwarãyi mmara.”

Ƴee mamama ana so, “Nda i ngo nde kpibaradze aawo awawãra wagbe igbã obara?”
Ne oɔso iɔɔeɔeso obo i ma ndẽ.

17 Ma Farise oledza Ɔrerẽ goɔɔbe ikare so, “Go o losa-o ne, be abu so oɔɔe?”

Ne Ɔrerẽ otã ma mmuai so, “Ƴaa Kanyadidze oɔɔe.”

18 Ma Yudase makpakpa iifo maɔɔe so o anomi obie fie kinio ne, ka oto onya ara, ne oɔso mapia mase maakpere o maɔɔese mabo.

19 Ne makare ma so, “Mi obi oɔɔe ngbe? Mi so nobiedze oɔɔe miye wũ, nda ibara fie ka oto onya ara?”

20 Maɣese ɔtã mmuai sɔ, “Boɣe sɔ bo ɔbi ɔɔɔe fie ð anɔmi ɔbie fie boɣe wũ.

21 ɣee kumegɔ ibara fie ka ɔto ɔnya ara ne, boiɣe, fie boiɣe ngɔ losa wũ ana. Mikare wũ ne ðɔkpa anɔ gɔ ðawo so kanya ɔɔi!”

22 Ɔ maɣese ɔtã mmuai ngbɔ alaso mato manigã ma Yudase makpakpa ma loɔse iti ame maɣe mase sɔ ɔrere gɔ loayɣe sɔ ɔfo Yesu ɔɔɔe sɔ ð nde Kristo ne, maasa wũ maɔi i ma kasarekɔ.

23 Ne ɔso i ð maɣese ɔɣe sɔ, “Mikare wũ ne ðisiɔɔe ɔbiɔte ne!”

24 Maledza ɔrerẽ gɔgbe ikpere ibɔ ɔkpe nyɔare maɣere wũ sɔ, “Kã ndamu tã ɣaa sɔ aayere bo ɔnukuare. Bo boɣe sɔ ɔrerẽ gɔ losa-ɔ ne, kpibaradze ɔɔɔe.”

25 Ɔrerẽ gɔ lona isosare ɔtã ma mmuai sɔ, “Kpibaradze ɔɔɔe o-o, kpibaradze ðiɔɔe o-o ne, loiɣe. Ira ka iwẽ loɣe, ne nde sɔ, ɔwiɔ ne, anɔmi ɔbie me, ɣee kinio ne, ka loto lonya ara.”

26 Ne makpakpa mamɔ ɔkare wũ sɔ, “Be iɔɔe ɔbara-ɔ? Nda iɔɔe ɔbara fie ɔsa-ɔ atse inya?”

27 Ne ɔrerẽ gɔmɔ to ɔtã ma mmuai sɔ, “Loɔɣere mi koko, ɣee misẽ sɔ miito minɔ. Be ɔso si loledza mi iɣere? Eɛberɛ mi wũ ɔbie mito sɔ miakpese ð marasuãdze?”

28 Ne matia wũ maɣere sɔ, “Fo nde ð rasuãdze. Bo ɣee ne, Mose marasuãdze boɔɔe.

29 Boɣe sɔ ɣaa ɔɔɔegu Mose ika, ɣee ɔrerẽ gɔgbe ne, boiɣe nane ngbego ɔbɔɔe!”

30 Ne ɔrerẽ gɔgbe to ɔtã ma mmuai sɔ, “Iba ɣaa sɔ miɣe ngbego ɔbɔɔe, ɣee ð lobusi me anɔmi ne!

31 Boxe so ʎaa iise okã makpibaradze atsue, ʎee mma nse maware wũ fie mase mabara õ kuɖe ne, ose okã ma atsue.

32 Ita i kayiiso karõkasekõ ne, boino bono so kuwẽ obusi oturi go maye nobiedze anomi.

33 Ne oso si iide ʎaa kore obore ne, õibawo ira negbe igbã obara.”

34 Ne makpakpa mamõ oxere wũ so, “Fo go maye i ikpi ame, makararã-o i ikpi ame ne, fo loaba aate bo ara?” Ne masa wũ maɖi i ma ikuri ame ne.

Mma Nɖe Siwarã Ame Manobiedze.

35 Yesu onõ so maõsa nobiedze maɖi i ma ikuri ame, ne oso go onya wũ ne, okare wũ so, “Afo oturi Awune obi aɖe?”

36 Ne oxerẽ otã mmuai so, “Tete, te me onyio si loafõ wũ loɖe.”

37 Yesu oxere wũ so, “Onya wũ koko, õ nto oɖegu-o ika ne.”

38 Oluwẽ ne, oxerẽ oxere so, “Bosate, lofo loɖe!” Ne ope agegẽ i Yesu katõ osore wũ ne.

39 Yesu oxere so, “Loba kayiiso so si loxegu kã atõme so mma loito manya ara si manya, fie mma nto manya si madaasinya.”

40 Go ma Farisise mawẽ ma mpia i mmõ onõ nne i Yesu oxere ne, makare wũ so, “Be ato axe? Bo wũ manobiedze boɖe?”

41 Ne Yesu oxere ma so, “Si manobiedze miɖe ne, tee miide makpibaradze, ʎee go mi so mito minya ara ne, ne oso miɖe ipo ne.”

10

Yesu Ɔpe Igbã I Maserekodze Iso.

¹ Yesu ɔgere ma sɔ, “Gbaã loto loɣere mi sɔ ngo loiki i kayogodɔ ɔbo i isereyo ame, ɣee ɔya ɔkpã ɔbo i kame ne, yukukpe gu raninadze ɔɔɔ.

² Ngo nse ɔki i kayogodɔ ɔbo i ɔkpã ame ne, ɔ nde maserekodze ne.

³ Kayogodɔ dzuẽse se ɔsese wũ kukui, masere se manɔ ɔ silo si ɔto ɔkpere ɔ masere ayere fie ɔako ma ɔbɔregu.

⁴ Fie si ɔɔko ɔ masere ɔɔi ne, ɔse ɔɔɔ ma katɔ fie ka maasiai wũ, alaso maɣe ɔ silo.

⁵ Maibasiai ɔturi mama, ɣee maatere maɣe wũ alaso maiɣe ɔ silo.”

⁶ Yesu ɔpe ma igbã negbe, ɣee mainɔ nne ɔgere ma karɔ.

Yesu Nde Maserekodze Sɛɛ.

⁷ Ne ɔso Yesu ɔledza ma iɣere sɔ, “Gbaã loto loɣere mi sɔ mme nde kayogodɔ lotã masere.

⁸ Mma ɔɔɔɔɔ loɔɔ me katɔ maba ne, mayukukpe gu maraninadze maɔɔ ne ɔso masere iikã ma atsue.

⁹ Mme nde kayogodɔ fie ɔbiara go loki i wũ ame ɔbo i kame ne, ɔana idji. Ɔabo ɔbɔre fie ɔana aɔɔera kaɔɔkɔ.

¹⁰ Yukukpe ne, kayu gu ituridɔe gu ara inina ɔso fie ɔse ɔba, ɣee mme ne, loba sɔ si maturi aana ngbã me loyi.

¹¹ “Mme nde maserekodze sɛɛ go loabie sɔ ɔakpi ala masere iti.

¹² Ƴee ngo masu sɔ ɔnyɔ masere iso fie iide ɔ momɔ mare maɔɔ ne, si ɔnya ɔgidi to ɔba ne, ɔse

ɔruɪ ɔtere ɔnyua mabɔi. Ɖgidi aabo i masere ndě ɔmɔẽ ma, ɔsamarã ma.

¹³ Rabaradze gɔgbe aarui ɔtere alaso kuso ɔafo, ne ɔso ɔisu kuira i masere iso.

¹⁴ “Mme nde maserekɔdze see ne. Loɣe wũ mare, fie ma wũ maɣe me le

¹⁵ kumegɔ ame i Tete ɣe me fie mme wũ loɣe wũ. Losu wũ ngbã lotã i masere iti.

¹⁶ Loba masere mama ma loibɔre i ɔkpã gɔgbe ame fie ipia sɔ loako ma lobo. Maano wũ silo fie ma ɔduɖu aakpese ikuri iwẽ ku kɔdze ɔwẽ.

¹⁷ “Tete se ɔɖe me alaso losu wũ ngbã lotã fie loakpese lofo me ana.

¹⁸ Kuwẽ iibawo wũ ngbã ofo i wũ kɔre, ɣee mme mɔmɔ kuɖe ame losu me lotã. Loba ɔle sɔ loasu lotã fie loba ɔle ana sɔ loakpese lofo me. Nnegbe i Tete ɔpia me sɔ lobara ne.”

¹⁹ Yesu atɔme wagbe ɔledza iɣeɣeso ibo i ma Yudase ndě.

²⁰ Gbodzoo i ma ndě ɔɣe sɔ, “Siwarã lalaa pia i ɔ ame. Ɖto ɔlala, ne ɔso midaakã wũ atsue.”

²¹ Ɏee mamama ana ɔɣe sɔ, “Ngɔ ame i siwarã lalaa pia iibawo ika ɔɖe kumegɔgbe! Siwarã lalaa iibawo nobiedze anɔmi ɔbusi.”

Ma Yudase Iifo Yesu Maɖe.

²² Ɖyu ɔwi ne, ma Yudase ɔɖe Ɏaa Isɔreyo Isekelera iyi i Yerusalem.

²³ Gɔ Yesu se ɔki i Salomo kakpataku ame i Isɔreyo ame ne,

²⁴ ma Yudase ɔba maaki malo wũ makare wũ sɔ, “Ku mme ɔwi aɣere bo ɔnukuare? Si fo nde Kristo ne, ɣere bo di.”

25 Ne Yesu ɔɣere ma sɔ, “Loɔɣere mi koko, ɣee miito mifo me miɖe. Ara wa loto lobara i wũ Ɔse iyere ame nto aɖe ika i wũ iso.

26 ɣee miito mifo me miɖe, alasɔ iide wũ masere miɖe.

27 Wũ masere se makã me atsue, loɣe ma, fie mase masiai me.

28 Nse lotã ma ngbã me loibaro fie maibawo. Kuwẽ iibawo ma ɔpe ɔfo i wũ nroɔ ame.

29 Tete go losu ma ɔtã me ne, ɔmo ɔɖo ɔturi biara, ne ɔso kuwẽ iibawo ma ɔpe ɔfo i ɔ nroɔ ame.

30 Bo gu Tete ne, mawẽ boɖe.”

31 Ne ma Yudase ɔledza ata imala sɔ si mape wũ ne.

32 Yesu ɔkare ma sɔ, “Loɔbara ara see gbodzoo wa i Tete ɔpia me sɔ lobara i mi ndẽ. Wã ndẽ imele ɔso mito miba miape me ata?”

33 Matã wũ mmuai sɔ, “Boito bobie sɔ boape-ɔ ata ala ara see wa abara ɔso, ɣee imusuora ne aɣe ɔso! Ɔturi awune kere aɖe, ɣee asu so ato akateragu ɣaa!”

34 Ne Yesu ɔɣere ma sɔ, “Matsere mapia i Ɔko Sekelea ame sɔ ɣaa ɔɣe sɔ, ‘Mi se le ɣaa.’

35 Si ɣaa ɔkpere mma ɔso i ɔ itɔme ɔba sɔ mase le ɣaa, fie nne matsere mase i Ɔko Sekelea ame ne, maibawo ne ɔfinikira ne,

36 ɔɣere mito me sɔ mme go i ɣaa ɔɖi ɔsese kayiiso ne, loɣe imusuora sɔ loɣe sɔ ɣaa Ɔbi loɖe?

37 Si loito lobara Tete karabara ne, iyo midaafo me miɖe.

38 ҮЕЕ si loto lobara Tete karabara ne, si miifo me miđe kora ne, mifo wũ karabara miđe. Ne loatã mitsue, fie mianɔ karɔ sɔ Tete pia i wũ ame fie mme wũ lopia i Tete ame ne.”

39 Ngbe ana ne, mabie sɔ si mamɔẽ Yesu, ҮЕЕ ɔbɔre ma ndẽ ɔwi.

40 Ɔkpese ɔse ɔawara Yordan ɔwore ɔkele ngbego i Yohanes ɔpie maturi Үaa ndu ku ɔwi go lofe, ne ka ɔwe i mmɔ ne.

41 Maturi gbodzoo ɔba ɔ kɔre maba maaxe sɔ, “Yohanes iibara awawãra, ҮЕЕ ara wa ɔduɔu ɔxe i ɔrerẽ gogbe iso ne, gbaã iđe.”

42 Ne ɔso maturi gbodzoo ɔfo Yesu mađe i mmɔ.

11

Lazaro Kukpi.

1 Ɔrerẽ ɔwẽ go marɔ sɔ Lazaro fie ɔbɔre i Betania ɔmagẽ ame ɔmɔẽ ɔnye. Ɔmagẽ gogbe nde Maria gu ɔ onyiibi Marta merẽ ađe ne.

2 Maria gogbe ɔđe loba ɔafedza nnɔĩ kɔrɔkɔrɔa ɔfere i Bosate Yesu ngba fie ɔsu ɔ iti siwerẽ ɔnukutu ne. Ɔ onyiibi nde Lazaro go nto ɔmɔẽ ɔnye i ngbe ne.

3 Lazaro manyiiko ɔpia Yesu ɔturi sɔ, “Bosate, fo ɔlaa go abua ase aɔɔe to ɔnye.”

4 Go Yesu ɔno kanya gagbe ne, ɔxe sɔ, “Ɔnye gogbe iide ɔkpinye, ҮЕЕ ɔđe ira ne loakɔle Үaa iyere kato, fie iaki i ne iso ana ne, maakɔle Үaa Ɔbi ɔ wũ kato.”

5 Yesu ɔbua ɔse ɔɔɔe Lazaro gu ɔ manyiiko kukaako.

⁶ ҮҮЕ ԳՕ ՕՆՕ Lazaro ՕՆԻԵ ՆԵ, ՕՎԵ Ի ՆԳԵԳՕ ՕՐԻԱ ԱԿՔԵՆԵ ԱՆՅՕ ՕԲՄԱ.

⁷ ՆԵ ՕՊԵՐԵ Ճ ՄԱՐԱՏՄԱԾԶԵ ՏՕ, “ՄԻՏՁԱ ԲՕԿՔԵՏԵ ԲՕԿԵԼԵ ԿՍԴԵԱ.”

⁸ ՆԵ Ճ ՄԱՐԱՏՄԱԾԶԵ ՕԿԱՐԵ ՄՄԻ ՏՕ, “ՐԱԹԵԶԵ, ԻԻՓՕ ՕՄԻ ԳՕ ՄԱ ԿՍԴԱՏԵ ՕԲԻԵ ՏՕ ՏԻ ՄԱՐԵ-Օ ԱԿԱ, ՆԵ ԱԿՕ ԱԲԻԵ ՏՕ ԲՕԱԿՔԵՏԵ ԲՕԿԵԼԵ ՄՄՕ ԱՆԱ?”

⁹ ԿԵՏՍՍՁ ԱՄԱ ՄՄՄԱԻ ՏՕ, “ԻԴՕՄՄԻ ԻՎԵՕ-ԻՆՅՕ ԻԴԵ ՄՐԻԱ Ի ԻԿՔԵՆԵ ԱՄԵ. ՆԵ ՕՏՕ ՕԲԻԱՐԱ ԳՕ ՆՏԵ Ի ԻԿՔԵՆԵ ԻԿՔԱՎԱԻ ԱՄԵ ՆԵ, ՃԻՏԵ ՕԿՍՐԱ, ԱԼԱՏՕ ՕՏԵ ՕՆՅԱ ԿԱՅԻՏՕ ԳԳԵ ԻԿՔԱՎԱԻ.

¹⁰ ҮҮЕ ՏԻ ՕՏԵ Ի ԿԱՏՔԱ ԱՄԵ ՆԵ, ՕՏԵ ՕԿՍՐԱ, ԱԼԱՏՕ ՕՆԱ ԻԿՔԱՎԱԻ.”

¹¹ ԳՕ ԿԵՏՍՍՁ ՕՊԵՐԵ ՄԱ ՆԳԲՕ ՆԵ, ՕՊԵ ԱՆԱ ՏՕ, “ԲՕ ՕԼԱԱ ԼԱԶԱՐՕ ՕՐԵ ՏԻՐԵ, ԿՔԵ ԼՕՏԵ ԼՕԱԿԱՐԱ ՄՄԻ.”

¹² ՆԵ ՄԱՐԱՏՄԱԾԶԵ ՕՊԵՐԵ ԲՕՏԱԿԵ ՏՕ, “ՏԻ ՏԻՐԵ ՕՕՏՍ ՄՄԻ ՆԵ, ԻՅՕ ՕԿՕ ՃԱՏԱՐԵ.”

¹³ ՕՊԵ Ի ԿԵՏՍՍՁ ԿՕ ՏՕ ԼԱԶԱՐՕ ՕՕԿՐԻ, ԿՔԵ ՄԱՐԱՏՄԱԾԶԵ ՕԲՄԱ ՏՕ ՏԻՐԵ ԳԲԱՔԱ ՕԿՕ ՕՊԵ ԱԼԱ.

¹⁴ ՆԵ ՕՏՕ ՕՊԵՐԵ ՄԱ ՕԴՅԻ ՏՕ, “ԼԱԶԱՐՕ ՕՕԿՐԻ.

¹⁵ ҮҮЕ ՄԻ ՕՏՕ ՆԵ, ԻԲԱ ՄԵ ԻՏՕՊՕ ՏՕ ԼՕՆԱ Ի Ճ ԿՕՐԵ ՏԻ ՄԻԱՓՕ ՄԻԴԵ. ՄԻՏՁԱ ԲՕԿԵԼԵ Ճ ԿՕՐԵ.”

¹⁶ ՆԵ ԿՕՄԱ ԳՕ ՄԱՐՕ ՏՕ ԻՆՅՕՕԲԻ ՕՊԵՐԵ ՄԱՐԱՏՄԱԾԶԵ ՏՕ, “ՄԻՏՁԱ ԲՕՏԻԱԻ ՐԱԹԵԶԵ ՏԻ ԲՕՏԵ ԲՕԱԿՔԻԳՍՍՁ ՄՄԻ!”

ԿԵՏՍՍՁ ՕՐԻԱ ԼԱԶԱՐՕ ՄԱՆՅԻԲԻ ԿՕՐՃ Ի ԿԱՅԻՐԻ.

¹⁷ ԳՕ ԿԵՏՍՍՁ ՕՏԵ ՃԱԲՕ ՄՄՕ ՆԵ, ՕՆՅԱ ՏՕ ԻՓՕ ԱԿՔԵՆԵ ԱՆԱ ԳՕ ՄԱԲԻԱՐԱ ԼԱԶԱՐՕ.

¹⁸ ԻԿԱ Ի ԿԵՐՍԱԼԵՄ ԻԲԱ ԲԵԿԱՆԻԱ ՆԵ, ԻԱԴԵ ԱԳՍ ԱՆՅՕ ԿԵՐԵ,

19 ne ɔso ma Yudase gbodzoo ɔba sɔ si maba maatã Maria gu Marta ndzo i ma ɔnyiete kukpi iso.

20 Gɔ Marta ɔno sɔ Yesu ka ɔba ne, ɔta ɔkɛɛ sɔ ɔsaregu wũ, ɔɛ Maria ɔwe i iyo ame.

21 Mmɔ i Marta to ɔɣere Yesu sɔ, “Bosate, si ɔpia apia ne, tee bo ɔnyiete iikpi!”

22 ɔɛ kiniɔ kɔra ne, loɣe sɔ ɔaa to ɔabara ira biara ne akare wũ.”

23 Ne Yesu ɔɣere wũ sɔ, “Fɔ ɔnyiete to ɔata ɔwe ngbã.”

24 Ne Marta to ɔɣe sɔ, “Loɣe sɔ ɔto ɔata ɔwe ngbã ku Iyi Tsɔra ne i makpise aata iso.”

25 Ne Yesu ɔɣere wũ sɔ, “Mme nde makpise ita gu ngbã ne. Ngo lofo me ɔde to ɔase ngbã atoa sɔ ɔkpi,

26 fie ɔbiara gɔ nsi ngbã fie ɔfo me ɔde ne, ɔibakpi. Afɔ nnegebe ade?”

27 ɔtã mmuai sɔ, “Aĩ, Bosate. Lofɔ loɣe sɔ fo nde Kristo, ɔaa ɔbi gɔ maɣe mase sɔ ɔaba kayiiso.”

Yesu ɔbie Kaku.

28 Gɔ Marta ɔɣe ngbo ne, ɔkpese ɔkɛɛ ɔse ɔakpere ɔ ɔnyiibi Maria ɔɣedza i kurue ɔɣere wũ sɔ, “Ratedze ɔba ɔto ɔkare-ɔ iti.”

29 Gɔ Maria ɔno ngbo ne, ɔta ɔluwẽ sɔ ɔsaregu wũ.

30 ɔwi gɔgbe ame ɔduɔdu ne, Yesu iibo ɔmagẽ ame, ɔɣe i ngbegɔ i Marta ɔba ɔsaregu wũ.

31 Ma Yudase ma mpia i iyo mato matã Maria katetere ɔta masiai wũ gɔ manya sɔ ɔpe siwa ɔbɔre i iyo. Mabu sɔ siainyɔ ne, ikpibio katɔ ka ɔse ɔabie kaku.

32 Ōwi gɔ Maria ɔbo ngbegɔ i Yesu ɔɛ fie ɔnya wũ ne, ɔɛ agɛgẽ i ẽ katõ ɔɔɛ sɔ, “Si ɔpia apia i ngbe ne, tee wũ ɔnyiete iikpi.”

33 Gɔ Yesu ɔnya kumɛgɔ i Maria to ɔbie gu kumɛgɔ i ma Yudase ma loba maaya wũ ana to mabie ne, imararã Yesu fie ikpẽ wũ nnya.

34 Ne ɔkare ma sɔ, “Lɛ mibiara wũ?”

Matã wũ mmuai sɔ, “Bosate, ba nyɔ.”

35 Mmɔ ne, Yesu ɔbie.

36 Ne ma Yudase to maɔɛ sɔ, “Minyɔ kumɛgɔ ɔɔɔɛ wũ!”

37 ɔɛɛ mawẽ ana ɔɔɛ sɔ, “Gɔ ɔwo nɔbiedze anɔmi ɔbusi ne, ɔibawo ɔtã sɔ Lazaro iibakpi?”

Yesu ɔtara Lazaro ɔbɔɛgu I Makpise Ame.

38 Yesu ɔtɔrẽ i ẽ ame, ɔɛ ɔkɛle ikpibio ne mpia i ɔkpolo ame fie mali ita masẽ kanya kɔɛ.

39 Ne ɔɔɛɛ ma sɔ, “Mili ita midji i ɔkpolo kanya.”

Ne Lazaro ɔnyiiko gɔ ndɛ Marta ɔɔɛɛ Yesu sɔ, “Ōfiã ka ɔpia ala iɔfɔ ayi ana gɔ mabiara wũ!”

40 Yesu ɔɔɛɛ Marta sɔ, “Loiɔɛɛɛ-ɔ sɔ si afɔ me aɔɛ ne, ato aanya ɔaa ɔle?”

41 Gɔ mali ita maɔɛ ne, Yesu ɔnyɔ kato ɔɔɛ sɔ, “Tete, nto loɛɛ-ɔ siba, sɔ ase akã me atsue.

42 Loɔɛ sɔ ase akã me atsue ɔwi biara, ɔɛɛ mma nɔɛ i ngbe ɔso loto loɔɛ si maafɔ maɔɛ sɔ fɔ lopia me katõme.”

43 Gɔ ɔɔɛ nɛngbe ɔro ne, ɔla kulu teteree sɔ, “Lazaro, ta bɔɛ ba!”

44 Ōluwẽ ɔturi gɔ lokpi ɔta ɔbɔɛ. ɔkati gɔ mamini wũ nrɔõ gu ngba mini wũ iso, fie ngo ana nyi wũ i katõ fie ɔta ɔbɔɛ ɔba.

Ne Yesu ɔɣere ma sɔ, “Mikurisi wũ ara iso si ɔkele.”

Ma Yudase Ɔse Iti Ame Sɔ Maaɔɔe Yesu.

⁴⁵ Maturi gbodzoo ma loba maaya Maria ɔnya ara wa i Yesu ɔbara, ne ɔso mafa wũ maɔe.

⁴⁶ Ƴee mawẽ ɔrui makele ma Farisise kɔre mase maaɣere ma nne i Yesu ɔbara.

⁴⁷ Ne ɔso ma Farisise gu masɔredze makpakpa ɔsaregu matɔmexedze makare sɔ, “Be boabara? Minyɔ awawãra gbodzoo wa i ɔrerẽ gɔgbe to ɔbara!

⁴⁸ Si botã ɔkelegu i katõ kumegɔgbe ne, maturi ɔɔɔɔ to maafa wũ maɔe, iyo ma Romase abã to maaba maabiẽ bo Isɔreyo gu bo karõ!”

⁴⁹ Ma ndẽ ɔwẽ gɔ nde Kayafa fie õ nde sɔredzekpakpa pelepele ku iko nemo ɔɣe sɔ, “Mibo ndu miɣede!

⁵⁰ Miiɣe sɔ ile sɔ miatã ɔturi ɔwẽ ɔkpi i kaɔe iti ido sɔ kaɔe ɔɔɔɔ aawɔ?”

⁵¹ Gbaã ne, iide õ mɔmɔ adzuni aɔe ɔɣe ngbe, ɣee le sɔredzekpakpa pelepele ku iko nemo ne, itõme ide ɔɣe ɔse sɔ Yesu to ɔba õakpi i ma Yudase iti.

⁵² Fie iide ma Yudase ɔnɔwẽ kere iti, ɣee si õasa Ƴaa mabi ma ɔɔɔɔ loki makã kayiiso kanya.

⁵³ Ita i iyi nemo iso ne, ma Yudase makpakpa ɔse iti ame kumegɔ maabara fie maaɔɔe Yesu.

⁵⁴ Ne ɔso Yesu iisise ɔse kpawee i Yudea karõ iso, ɣee ɔrui ɔkele fafuĩ ame i ɔmagẽ gɔ marɔ sɔ Efrayim ame ku õ marasuãdze mase maawe i mmo.

⁵⁵ Ma Yudase Kukpi Ɔtakuwara Bo Iyi ɔobore ibo, ne ɔso maturi gbodzoo ɔbɔre i abuiti ame

maba Yerusalem si maba maasekelera so matã iyi ide.

⁵⁶ Gõ masakanya i Yaa Isoreyo ame ne, mala maonyonyo Yesu, ne oso mato makare so so, “Nda minya? Jito ñaba iyi kaḁekõ lo?”

⁵⁷ Yee masoredze makpakpa gu ma Farisise opia maturi so si orere xe ngbego Yesu pia ne, ote ma si maakele mase maamõẽ wũ.

12

Maria Osola Yesu Nnoĩ I Betania.

¹ Gõ iokuti ayi akuo fie maade Kukpi Otakuwara Bo Iyi ne, Yesu okele Betania i Lazaro go otara oboregu i makpise ame aḁe.

² Mawa kutsue aḁera i mmõ matã wũ. Marta loḁe ngo losia ma aḁera i oporõ iso fie Lazaro õ wũ owe i mma lose i oporõ iti ndẽ.

³ Maria ofedza nnoĩ korõkorõ miwẽ me lofo kuḁa gbaã ibui ofere Yesu i ngba fie ka osu õ iti siwerẽ onukutu me. Nnoĩ ofiã ofo iyo ame oḁudu.

⁴ O marasuãdze owẽ go nde Yuda Iskariot go loadji Yesu otã oḁe so,

⁵ “Be oso fie maibarõdẽ nnoĩ megbe sikãfudza abi alafa ate masu sikã matã mawereba?”

⁶ Oḁe nnegbe iide so mawereba ara nse aḁo wũ kayiri, xee yukukpe oḁe oso. O nto sikã kakotoi, ne oso ose oyu nne mpia i kame.

⁷ Yee Yesu oḁere ma so, “Minyua wũ, mitã wũ oledza me otã wũ ibiarayi.

⁸ Mawereba to maawe i mi kore owi biara, xee mme ne, loito loawe i mi kore owi biara.”

Ma Yudase Ose Iti Ame Nyanyarĩa I Lazaro Iso.

⁹ Ma Yudase gbodzoo ɔnɔ sɔ Yesu pia i Betania, ne ɔso masiai wũ kama maba mmɔ. Iide Yesu ɔnɔwẽ ɔso fie maba, ɣee si maba maanya Lazaro go ɔtara ɔbɔregu i makpise ame ana.

¹⁰ Ne ɔso masɔredze makpakpa ɔse iti ame sɔ maadoe Lazaro ɔ wũ,

¹¹ alaso ɔ ɔso i ma Yudase gbodzoo to makpese ma i kama mafɔ Yesu maɖe.

Yesu Ɔkɛɛ Yerusalem Le Igara Awe.

¹² Go kaɖe ɔsẽ ne, maturi gbodzoo ma loba Kukpi Ɔtakuwara Bo Iyi kaɖekɔ ɔnɔ sɔ Yesu to ɔba Yerusalem.

¹³ Ne ɔso masu sike mato fie mabɔre sɔ maasaregu wũ. Mato mafa kayiɖu sɔ,

“Hosiana!

Maale ngo nto ɔba i Bosate iyere ame!

Maale Israel Igara!”

¹⁴ Yesu ɔna ɔfirimu ɔsi i iso le kumego i Ɔko Sekelea ɔɣe sɔ,

¹⁵ “Zion Ɔmagẽ, daanigã!

Ɔɔnya fɔ Igara nto ɔba, ɔsi i ɔfirimu ibi iso!”

¹⁶ Yesu marasuãdze iino ira negbe karɔ ku ɔwi goɔmɔ ame, ɣee ɔwi go ɔɔta ɔbɔre i makpise ame ɔkɛɛ ikpawaĩ ame ne, manyigi sɔ Ɔko Sekelea ɔɣe ngbɔ, fie mabara ngbɔ matã wũ ana.

¹⁷ Mma lowe i Yesu kɔre ku ɔwi go ɔkpere Lazaro ɔbɔregu i ikpibio ame fie ɔtara wũ ɔbɔregu i makpise ame ɔse maaye nne loba.

¹⁸ Nnegbe ɔso i maturi gbodzoo mamɔ ɔsaregu wũ ne, alaso manɔ iwawãra ne ɔbara i ngbe.

19 Ne ma Farisise to maɣere so so, “Minya so boito bona kayakpa ɗuɗuɗu? Kayiiso maturi ɔɗuɗu ka masiai wũ!”

Ma Helase Mawě Ɔbie Yesu.

20 Ma Helase mawě pia i mma loba masɔre Ƴaa i iyi kaɗekɔ i Yerusalem ame.

21 Maba maɣere Filipino go lobɔre i Betsaida i Galilea so, “Tete, boto bobie so boanya Yesu.”

22 Filipino ɔse ɔɣere Andrea fie ma inyɔɔ ka mase maɣere Yesu.

23 Yesu ɔɣere ma so, “Ɔwi ɔɔɔ go maapia Ɔturi Awune Ɔbi kuware siare.

24 Gbaã loto loɣere mi so si ititabi iibo i karɔ ame iburi ne, ne ɔnɔwě saã kere ide mpia, ɣee si iburi ne, ise ipia abi gbodzoo.

25 Ngo nse ɔɗɔe ɔ ngbã ne, ɔto ɔayura me, ɣee ngo lotsiri ɔ ngbã i kayi gagbe ame ne, ɔkola me ɔtã ngbã me loibaro minya.

26 Ɔbiara go nto ɔbie so ɔasumu me ne, ɔsiai me si wũ maɗabo aawegu me i ngbego lopia. Tete to ɔaware ɔbiara go nse ɔsumu me.

Yesu Ɔɣe Ɔ Kukpi Iso Itɔme.

27 “Kiniɔ ne, loto lomaraã so i wũ ɔtu ame, fie loiɣe nne loaɣe. Ɔɣe si loɣe so, ‘Tete, ɗi me bɔreɣu i inyewe ɔwi goɣbe ame?’ Oɔɔ, ala ɔwi goɣbe ɔso fie loba kayi ne.

28 Tete, kole fo iyere kato!”

Ne silɔ ɔɗe ika sibɔreɣu i kato so, “Lookole wũ iyere kato koko, fie loto loaledza ibara ana.”

29 Maturi gbodzoo ma nɣe i ɔ kɔre ɔnɔ silɔ, ne ma mawě to maɣe so kado loɗu. Mawě ana so, “Ƴaa kpabo loɗegu wũ ika.”

30 Ne Yesu ɔɣere ma sɔ, “Iiɖe wũ ɔso fie silo ɔɖe ika, ɣee mi ɔso.

31 “Ɖwi ɔɔɔo go maaxegbe kayiiso maturi atɔme, fie maaturi ngo nto ɔɖe kayiiso iso iyara.

32 Fie si maakɔle me kato i kayiiso ne, loa-boregu maturi ɔɖuɖu lopia so.”

33 Yesu ɔɣe nneɖbe ɔte kukpi go igbã ɔakpi.

34 Ne maturi gbodzoo mamɔ to maɣere wũ sɔ, “I bo Ɖko Sekelea ame ne, matsere mapia sɔ Kristo iibakpi ɔnya, ne ɔso be ɔso fie ato aɣe sɔ maakɔle Ɖturi Awune Ɖbi kato? Nna nde Ɖturi Awune Ɖbi goɖbe?”

35 Ne Yesu ɔɣere ma sɔ, “Ɖkanie to ɔawe i mi kɔre ɔwi kekẽ, ne ɔso mise i ɔkanie ame si idududu iibafu mi iso. Alaso ngo nse ɔse i idududu ame iise ɔtsue ngebego ɔse.

36 Ne ɔso mifɔ ɔkanie miɖe go ɔpia i mi kɔre si miade ikpawã ame maturi.”

Go Yesu ɔɣere ma ara wagbe ɔro ne, ɔrui ɔse ɔakola so.

Ma Yudase Ɖte Sɔ Maifɔ Yesu Maɖe.

37 Atoa sɔ Yesu ɔbara awawãra wagbe ɔɖuɖu i ma ndẽ ne, maifɔ wũ maɖe.

38 Ƴee iba ngbo sɔ nne i Ƴaa Kanyadidze Yesaya ɔtsere ɔse aaba i ne ame sɔ, “Bosate, nna lofo bo itɔme ne boɣe ɔɖe?

Fie mabe ndẽ iɖe ɔɖi ɔ ɔle ɔte?”

39 Ne ɔso maiwo ɔfo ɔɖe alaso Yesaya ɔtsere ana sɔ,

40 “Ƴaa ɔbie ma anɔmi fie ɔtã maba atsue ɔle. So ma anɔmi iibanya, fie ma adzuni ana iibano ara karɔ,

‘Fie maafiniki maba wũ kore fie loasa ma.’ Ngbo i Yaa oye ne.”

⁴¹ Yesaya oye ngbo alaso onya Yesu ikpawai fie ode ika i ñ iso.

⁴² Atoa so ise kumegogbe ne, ma Yudase makpakpa gbodzoo ofo Yesu made, yee go mato manigã ma Farisise oso ne, maisè made ika i ne iso kpawee so maaba maasa ma mađi i kasarekõ.

⁴³ Alaso mase mađe maturi ile mađo Yaa ile.

Yesu Atõme Lotã Maturi Ipo.

⁴⁴ Yesu ola kulu teteree oye so, “Ngo lofo me ode ne, iide wũ onowẽ ide ofo, yee bo gu ngo lopia me katõme ide ofo.

⁴⁵ Obiara go lonya me ana ne, ñonya ngo lopia me katõme.

⁴⁶ Loba kayi ame le ikpawai awe, so obiara go lofo me ode iisibawe i idududu ame.

⁴⁷ “Si orere onõ wũ itõme fie õibara i ne iso ne, loibaɣegu wũ atõme. Loiba loɣegu kayiiso atõme, yee loba lotã kã idj.

⁴⁸ Ngo losẽ me fie õifo wũ itõme ne, obo ngo loɣegu wũ atõme. Wũ ara wa lote loɣegu wũ atõme ku iyi tsora.

⁴⁹ Alaso loide ika i mme momo ole ame, yee Tete go lopia me katõme lotã me ole so lođe ika loye nne loaye.

⁵⁰ Loye so ñ itõme se itã ngbã me nna katui. Ne oso nne lose loye ne, ne nde nne i Tete oyere me so loye ne.”

13

Yesu Ofore O Marasuãdze Ngba.

¹ Iyi ne i kaḍe aasẽ fie maḍe Kukpi Otakuwara Bo Iyi ne, Yesu ka oḅe so ñ owi oḅo go ñabore i kayi gagbe iso okere ñ Jse kore. Oḅe mma nde ñ mare i kayiiso fie oḅe ma ose ñobo ta kawirikõ.

² Kutsue gomõ go Yesu gu ñ marasuãdze si mato maḍe ara ne, Obosam osu adzuni lalaa opia i Yuda go nde Simon Iskariot obi ame koko so oḅi Yesu otã.

³ Yesu xe so ñ Jse osu ole oḅuḅu otã wũ, oḅe so Ḃaa kore obore fie J kore oto okpese okere.

⁴ Ne oso ota i oporõ katõ, oḅi ñ awu tagbaraa wa opia ose, fie ka osu osa okpasa.

⁵ Ne oka ndu ofere i kapoi ame, ne otse ma ngba ifore, isu osa go okpasa ididi ma ndu i ngba.

⁶ Go Yesu obo Simon Petro kore ne, Petro okare wũ so, “Bosate, obie ato so aba aafore me ngba?”

⁷ Ne Yesu oḅere wũ so, “Kiniõ ne, ainõ nne loto lobara karõ, xee owi kama ne, ato aano karõ.”

⁸ Petro oḅi kanya so, “Ooḅo! Aibafore me ngba anya.”

Yesu oḅere wũ so, “Si aitã lofore-o ngba ne, tsue so ana kaḍekõ i wũ ame.”

⁹ Ne Simon Petro oḅe so, “Bosate, si ngbo ne, iyo daafore me ngba kere, xee fore me nroõ gu iti ana!”

¹⁰ Yesu oḅere wũ so, “Ngo loopie ndu oḅekele koko, ne oso ñisinya itupie ido ngba ifore. Mi oḅuḅu oḅekele, ido owẽ.”

¹¹ Yesu oḅe ngbo alaso ka oḅe ngo loadi wũ otã. Ne oso oḅe so, “Mi oḅuḅu oḅekele ido owẽ” ne.

¹² Go Yesu oḅore ma ngba oro ne, okpese gu ñ awu opia, fie ka ose ñase i ñ kasekõ i oporõ iti.

Ne ɔkare ɔ masiaidze so, “Minɔ nne lobara ngbe karɔ?”

¹³ Mise mikpere me so Ratedze gu Bosate, ile ngbo, alaso ngbo loɖe ne.

¹⁴ Mme go mme nde mi Sate gu Ratedze ne, lofore mi ngba. Ne ɔso mi wũ mifore mi malaa ngba.

¹⁵ Loɔse ikparĩ lotã mi, ne ɔso mi wũ mibara nne lobara lotã mi mitã so.

¹⁶ Gbaã loto loɣere mi so ɔɖabo iise ɔɖo ɔ ɔkɔse, fie katɔmesedze iise ɔɖo ngo lopia wũ katɔme.

¹⁷ Kিনি go ka miɣe ɔnukuare goɣbe ne, so aaxo mi si misu ara wagbe mipia i kurabarara ame.

¹⁸ “Iide mi ɔɖuɖu ɔso loto loɣe nneɣbe, loɣe mma loɖi. ʏe si itɔme ne matsere mapia i ɔko Sekelea ame aaba i ne ame so, ‘Bo gu ngo nto bopia kɔrɔ i irɔi ame boɖe ara lota ɔya me iso.’

¹⁹ “Loto loɣere mi nneɣbe tɔto fie iaba, so si iba ne, miatsue so, ‘Mme nde ngo Loɖe.’

²⁰ Gbaã loto loɣere mi so ɔbiara go lofo ngo mme lopia katɔme ne, mme ide ɔfo. Fie ɔbiara go lofo me ne, ngo lopia me katɔme ide ɔfo.”

Yesu ɔɣe ɔse So Mato Maaɖi Wũ Matã.

²¹ Go Yesu ɔɣe ara wagbe ɔro ne, ɔmararã so ta ɔ ɔtu ame. Ne ɔɣere ma ɔɖi so, “Gbaã loto loɣere mi so mi ndẽ ɔwẽ to ɔaɖi me ɔtã.”

²² Marasuãdze ɔkpɔkpɔto pelepele mato manyo so i katɔ so ma nna ɔto.

²³ Rasuãdze go i Yesu se ɔɖɔe ɔɖo si ɔmatã wũ.

²⁴ Ne Simon Petro ɔma wũ anɔmi so, “Kare wũ so nna ɔto ɔɣe ala.”

²⁵ Ne rasuãdze gomo obore obo Yesu okare wũ so, “Bosate, nna oɔe?”

²⁶ Yesu oɔere wũ so, “Ngo loakpeti aɔera loti kutu losu lotã ne, ð oɔe ne.” Ne oso Yesu okpeti aɔera, oti kutu fie ka osu otã Yuda, Simon Iskariot obi.

²⁷ Oluwẽ go Yuda ofo aɔera ne, Satana obo i ð ame.

Ne Yesu oɔere wũ so, “Pe siwa si abara nne ato abie so abara.”

²⁸ Mma nsi i oporo katõ kuwẽ iino nne i Yesu oɔere Yuda karõ.

²⁹ Go Yuda kore i sikã kakotoi se oso ne, marasuãdze mawẽ obu so oɔere i Yesu to wũ so ose ðaya ara otã iyi ide, xee obie irere otã mawereba.

³⁰ Go Yuda ofo aɔera ne, obore i iyo oluwẽ. Kasẽ ka ide.

Yesu Otã O Marasuãdze Mmara Xete.

³¹ Go Yuda obore i iyo kama ne, Yesu oxe so, “Kinio ne, maodji Oturi Awune Obi ikpawaĩ mate, fie iki i ð iso ne, Yaa ikpawaĩ ana oote sekelee.

³² Si makole Yaa iyere kato iki Obi iso ne, iyo Yaa to ðakole Obi iyere iki i ð momo iso oluwẽ.

³³ “Wũ mabi, loisibawe i mi kore owi odzoro. Mito miabie me, xee le kumego loxere ma Yudase makpakpa ne, ‘Ngbego lose ne, miito miawo mmõ obo.’

³⁴ “Kinio ne, mmara xete loto lotã mi so midoe so. Le kumego lodoe mi ne, mi wũ midoe so ngbo.

³⁵ Si mito midoe so ne, obiara to ðatsue so wũ marasuãdze mide.”

Yesu Oxe Ose So Petro To Jasẽ Wũ.

³⁶ Ne Simon Petro ɔkare wũ so, “Bosate, i le ase?”

Ne Yesu ɔɣere wũ so, “Ngbego lose ne, aito aawo ɔba kinio, ɣee ɔwi kama ne, ato aaba mmɔ.”

³⁷ Petro ɔkare wũ so, “Be ɔso loibawo-ɔ ɔsiai kinio? Si inya kɔra ne, loakpi i fo iti!”

³⁸ Ne Yesu ɔtã wũ mmuai so, “Afo aɔe so aakpi i wũ iti? Gbaã loto loɣere-ɔ so, si kɔko ɔeakatɔ aadɔ kanya ne, ɔɔsẽ me ikpe ite so aiye me.”

14

Yesu ɔpia ɔ Marasuãdze Katetere.

¹ Ne Yesu ɔɣere ma so, “Midaati mikpakpa, mifo ɣaa miɔe si mifo me wũ miɔe.

² Kuwekɔ gbodzoo pia i Tete iyo ame, ne ɔso lose loaledza kɔ lose mi. Si iise ngbo ne, loibayere mi.

³ Si loose loaledza kabokɔ lose mi ne, loakpese loba loako mi so ngbego lopia ne, mi wũ miawe i mmɔ.

⁴ Miye ori go iso miaki fie miaba ngbego lose.”

Yesu Nɔe ɔri Bielea Go Iso Maaki Fie Maanya ɣaa.

⁵ Ne Toma ɔɣere wũ so, “Bosate, go boiye ngbego ase ne, nda boabara fie boatsue ori?”

⁶ Yesu ɔɣere wũ so, “Mme nɔe ɔri, ɔnukuare gu ngbã. Kuwẽ iibawo Tete kɔre ɔkɛle si ɔiki i wũ iso.

⁷ Si ɔye miye me ne, tee miye Tete ɔ wũ. ɣee ita i kinio ne, miotsue wũ fie mionya wũ ana.”

⁸ Mmo i Filipino to ɔɣere Yesu so, “Bosate, te bo Tete, si imi bo.”

⁹ Yesu ɔkare wũ so, “Filipo, kokooko go lopia i mi kore ne, aige me, xee? Ɔbiara go loonya me ne, ɔnya Tete. Be ɔso fie ato axe so, ‘Te bo Tete?’

¹⁰ Eɛbere aifo aɛe so Tete pia i wũ ame fie mme wũ lopia i Tete ame? Atɔme wa lose loxere mi ne, iide wũ kore abore. Tete momo go mpia i wũ ame nto ɔbara ɔ karabara.

¹¹ Mifo me mide so lopia i Tete ame fie Tete ɔ wũ ɔpia i wũ ame. Si miibawo ne ɔfo ɔɛe ne, mifo mide ala wũ kurabarara ɔso.

¹² Gbaã loto loxere mi so ɔbiara go lofo me ɔɛe ne, ara wa loto lobara ne, ɔto ɔabara wã, fie ɔto ɔabara nwa loɔo ngbo ana ala lose Tete kore.

¹³ Fie loabara ira biara ne miakare i wũ iyere ame so Tete iyere aakole kato iki i Ɔbi iso.

¹⁴ Ira biara ne miakare me i wũ iyere ame ne, loabara ne.”

Yesu Ɔye Siwarã Bielea Isese Ɔse.

¹⁵ Ne Yesu ɔye ana so, “Si mito midɔe me ne, mito miabara i wũ mmara iso.

¹⁶ Nto loakare Tete fie ɔasese mi Buaidze mama go loibarui i mi kore ɔnya.

¹⁷ Ɔ nɛe Siwarã dze nse sidj ɔnukuare i Ɔaa iso site ne. Kayiiso maturi iibawo wũ ɔfo alaso maibawo wũ ɔnya fie maatsue wũ. Ɔee mi ne, miɛe wũ alaso ɔpiagu mi, fie ɔpia i mi ame.

¹⁸ “Loibanyua mi lose le makpise mabi. Loto loakpese loba mi kore.

¹⁹ Ikuti kekei go kayiiso iisibanya me, xee mi mito mianya me. Go losi ngbã ɔso ne, mi wũ mito miase ngbã.

20 Ɔwi gɔmɔ ne, mito miatsue sɔ lopia i Tete ame, mi wũ mipia i wũ ame, fie mme wũ lopia i mi ame.

21 “Ngɔ lomɔẽ wũ mmara ɔto fie ɔto ɔɖe me i iso ne, ɔ̃ nde ngɔ nto ɔɖe me ne. Ngɔ nto ɔɖe me ne, Tete to ɔ̃aɖe wũ, fie mme wũ loto loadɖe wũ fie loadɖi so lote wũ.”

22 Ne Yuda gɔ loide Iskariot ɔɣe sɔ, “Bosate, nda ibara fie bo kere aadɖi so ate fie iidegu kayiiso maturi?”

23 Yesu ɔtã wũ mmuai sɔ, “Si ɔrere to ɔɖe me ne, ɔɖe wũ mmara iso. Iyɔ Tete to ɔ̃aɖe wũ, fie mme gu Tete aadɖi kasekɔ̃ i ɔ̃ kɔre.

24 Ngɔ loito ɔɖe me ne, ɔ̃ise ɔmɔẽ wũ itɔme ɔla. Atɔme wa loɣe minɔ ne, iide mme mɔmɔ are aɖe, ɣee Tete gɔ lopia me katɔme are aɖe.

25 “Loɣere mi atɔme wagbe gɔ lokpese lopia i mi kɔre.

26 Ƴee Buaidze gɔ nde Siwarã Bielea dze i Tete aasese i wũ iyere ame ne, ɔ̃ nto ɔ̃ate mi ira biara fie ɔ̃anyigira mi ara wa ɔɖuɖu loɣere mi ne.

27 “Isobue si iwegu mi. Wũ isobue loto lotã mi. Iide kumego i kayiiso se katã isobue loto lotã mi. Midaamararã so, midaanigã ana.

28 Minɔ loɣere mi sɔ, ‘Si lorui i mi kɔre ne, loto loakpese loba.’ Si mito miɖe me ne, miana isoyɔ sɔ loto lokele Tete kɔre, alaso ɔmɔ ɔɖo me.

29 Kiniɔ ne loɣere mi nnegebe loɖegu katɔ sɔ si iba ne, miafɔ miɖe.

30 Loisibakelegu i katɔ loɖe ika gbodzoo, alaso ngɔ nto ɔɖe kayi gagbe iso ka ɔba, ɣee ɔna ɔle i wũ iso.

³¹ Үεε ikote sɔ kayiiso aatsue sɔ nse loɔɔe Tete, fie nse lobara i ð itõme iso.

“A o-o, mita si borui i ngbe.

15

Yesu Nɔɔe Kuɔɔɔziri Gbaã.

¹ “Mme nɔɔe kuɔɔɔziri gbaã, fie Tete nɔɔe adziribi kpɔɔɔze.

² Wũ idzirikpa biara ne loise iɔɔ abi ne, ɔse ɔtu ne ɔɔi, fie ibiara ne nse iɔɔ abi ne, ɔse ɔyue ne ɔledza sɔ iawo abi gbodzoo ɔɔɔ.

³ Mi iso ɔsekele koko ala ara wa loote mi ɔso.

⁴ Miwe i wũ ame si mme wũ lowe i mi ame. Kumegɔ ame i idzirikpa iibawo abi ɔɔɔ si iito i kudziri iso ne, ngbo ame mi wũ miibawo abi ɔɔɔ si miawe i wũ ame ne.

⁵ “Mme nɔɔe kuɔɔɔziri fie mi nɔɔe akpa. Ngo mpia i wũ ame fie mme wũ lopia i ð ame ne, ɔto ðaɔɔ abi gbodzoo, alasɔ si lona i mi ame ne, miibawo kuiru ɔbara.

⁶ ɔbiara gɔ loise ɔwe i wũ ame ne, ɔse le idzirikpa ne matu maɔi i kudziri iso fie maa-fuɔɔza mase ikore. Akpa wamɔ igbã ne, mase masa wã kanya mapia wã ɔto atsue.

⁷ Si miwe i wũ ame fie wũ itõme ana ɔwe i mi ame ne, iyo mito miakare ira biara ne miɔɔe fie miana ne ana.

⁸ Si miɔɔ abi gbodzoo ne, ise ikɔle Tete iyere kato fie ise isia ita sɔ wũ marasuãɔze miɔe.

⁹ Nse loɔɔe mi le kumegɔ i Tete se ɔɔɔe me, miwe i wũ kuɔɔe ame.

¹⁰ Si mibara i wũ mmara iso ne, miakelɛgu i katõ miwe i wũ kudɔɛ ame le kumɛgo lokã Tete atsue fie lopia i õ kudɔɛ ame.

¹¹ “Loɔyere mi ara wagbe so wũ isoɔɔ aawe i mi ame fie mi isoɔɔ aayi pɔpɔɔpɔ.

¹² Wũ mmara nde so, midɔɛ so le kumɛgo loto lodɔɛ mi.

¹³ Kudɔɛ go lodɔ go i ɔturi aawe ɔtã õ malaa nde so ãasu õ ngbã ɔtã i ma iti.

¹⁴ Wũ malaa midɛ si mibara i nne loyere mi iso.

¹⁵ Loisito lokpere mi so maɔabo, alaso ɔɔabo iise ɔtsue nne i ma ɔkɔse se ɔbara. Yɛɛ ne, ka loto lokpere mi so wũ malaa, alaso looyere mi ira biara ne lonɔ lobɔregu i Tete kɔre.

¹⁶ Iidɛ mi lodɔ me, xɛɛ mme lodɔ mi, fie losera mi so si miase miaxõ abi gbodzoo fie mi abi aase ɔwi biara. Iyɔ Tete aatã mi ira biara ne mikare i wũ iyere ame.

¹⁷ Mmara me loto lotã mi nde so, midɔɛ so.”

Kayiiso Maturi Se Matsiri Yesu Masiidze.

¹⁸ Ne Yesu ɔɔɛ ana so, “Si kayiiso maturi ɔtsiri mi ne, mitsue so maɔɔde katõ matsiri me koko.

¹⁹ Si kayiiso maturi midɛ ne, tee maadɔɛ mi le ma malaa. Yɛɛ kayiiso ame lokpere mi lodɔ fie miisidɛ kayiiso maturi, ne ɔso fie matsiri mi ne.

²⁰ Minyigi so loyere mi so, ‘ɔɔabo iise ɔɔo õ ɔkɔse.’ Si mati me kama ne, mi wũ mato maati mi kama. Si makã wũ ara ite atsue ne, mi wũ mato maakã mi ara ite atsue.

21 Үεε mato maabara mi ara wagbe odudu alaso mide wū mare fie maiye ngo lopia me katōme.

22 Si lodaaba loade ma ika ne, tee maibađe ipɔ i ikpi iti. Үεε kiniɔ ne, masiina kafara itu kuiwē i ma akpi iti.

23 ɔbiara go lotsiri me otsiri Tete ana.

24 Si iide ɔbara lobara karabara ga igbā i kuwē iibara i ma ndē ɔnya ne, tee maibađe ipɔ i ikpi iti. Үεε kiniɔ ne, manya ara wa lobara fie matsiri bo gu Tete inyɔ.

25 Iba ngbo so nne matsere mapia i ma mmara oko ame aaba i ne ame so, 'Matsiri me siefe.'

26 "Loto loasese mi Buaidze go loabore i Tete kore. Ǿ nde Siwarā dze nse sidj ɔnukuare i Үaa iso site. Si ɔose i Tete kore ɔba ne, ɔto ɔađe adansie i wū iso ɔtā mi.

27 Mi wū maɔansie mide me alaso miowegu me ita i karōkasekō.

16

1 "Looyere mi ara wagbe odudu si nroō iibafē mi i mi kafokađe ame.

2 Mato maasa mi maɔi i ma kusarekō, fie owi to ɔaba go si ɔrere odoe mi ne, ɔabu so Үaa karabara kađe ɔto ɔbara.

3 Maturi to maabara mi ara wagbe alaso maiye me, yee Tete.

4 Үεε loto looyere mi ara wagbe so si owi oyo fie mato mabara wā ne, mianyigi so looyere mi.

"Loiyere mi ara wagbe ta karōkasekō alaso lopia i mi kore.

⁵ Kinio ne, ka lose ngo lopia me katõme kore, xee mi kuwẽ iito mikare me so le lose.

⁶ Xee go loxere mi ara wagbe oso ne, ka mito mimararã so.

⁷ Atoa so ise ngbo ne, gbaã loto loxere mi so ile itã mi so loakele, alaso si loikele ne, Buaidze iibawo mi kore obo. Xee si lokele ne, loasu wũ losese mi.

⁸ Si obo ne, oto ãadjı ote kayiiso maturi so mayu ori i ikpi gu sibololo gu atõme ixegu iso.

⁹ Mayu ori i ikpi iso alaso maifo me mađe.

¹⁰ Mayu ori i sibololo iso alaso loto lokele Tete kore fie miisibanya me minya.

¹¹ Mayu ori i atõme ixegu iso alaso Yaa ooxegu ngo nto ođe kayi gagbe iso atõme otã wũ ipo.

¹² “Loba atõme gbodzoo loxere mi, xee kinio ne, ato aado mi iti.

¹³ Owi go i Siwarã dze nse sidjı onukuare i Yaa iso site ooba ne, sito siate mi onukuare oduđu i Yaa iso. Jibade ika i õ momo ole ame, xee ara wa ono ãaxe, fie oto ãaxere mi ara wa nto aaba i katõ.

¹⁴ O gomo loatã makole wũ iyere kato ne, alaso oto ãadjı ara wa ofo i wũ kore ote mi.

¹⁵ Ara wa oduđu nde Tete are ne, wũ are ađe, ne oso loxere mi so nne i Siwarã ono siboregu i wũ kore siaxere mi ne.”

Marasuãdze Isomrarã To Iakpese Ma Isoxo.

¹⁶ Ne Yesu osogu i katõ oxe so, “Ikuti kekeĩ ne, miisibanya me, xee owi kurukutu kama ne, mito mianya me ana.”

¹⁷ Ne õ marasuãdze okare so so, “Mme itõme igbã ide oto oxe so, ‘Ikuti kekeĩ ne, miisibanya

me, ɣee ɔwi kurukutu kama ne, mito mianya me ana,' fie ɔto ɔɣe ana so, 'Alaso lose Tete kore'?

18 Nne ɔɣe so ikuti kekei ne boisibanya wũ karõ, ɣee? Boino itõme ne ɔɣe ngbe karõ."

19 Yesu ɣe so õ marasuãdze to mabie so makare wũ itõme, ne ɔso ɔɣere ma so, "Itõme ne loɣe so ikuti kekei ne miibanya me, ɣee ɔwi kekei kama ne mito mianya me mito mikakare so eberere?

20 Gbaã loto loɣere mi so mito miabie mise kaku, ɣee kayiiso maturi to maana isoɣo. Mito miamararã so, ɣee mi isomararã to iakpese isoɣo.

21 Si ɔrõgo ɔɣewi ɔɣo ne, ɔse ɔwe i isoma ame, alaso ɔɣe so ibo ɔnawi ɔɣo, ɣee si ɔɔɣe ɔbi ne, ka ɔse ɔɣara õ inyewe, alaso ɔba isoɣo so ɔɔɣe ɔbi ɔbo kayiiso.

22 Ngbo mito miamararã so kinio ne, ɣee loto loaledza mi inya, fie so aaxo mi gbaã so kuwẽ iibawo mi isoɣo ɔmõ ɔfo.

23 "ɔwi gomo ame ne, miisibakare me kaira. Fie gbaã loto loɣere mi so si mikare Tete ira biara ne, ɔto ɔatã mi i wũ iyere ame.

24 Ipe i kinio ne, miikare kaira i wũ iyere ame. Mikare ara fie miafo, so mi isoɣo aayi.

Yesu ɔɔɔe Kayiiso Iso.

25 "Losu agbã loɣere mi ara wagbe, ɣee ɔwi to ɔba go loisibaɔe mi aka i agbã ame. ɔwi gomo ne, loɣere mi ara loɔi i Tete iso.

26 Iyi nemo ne, mito miakare ara i wũ iyere ame. Loito loɣe so mme loakare Tete ara i mi kanya,

²⁷ alaso Tete mómó to ɔdɔɛ mi. Ɔto ɔdɔɛ mi alaso mito midɔɛ me fie mifó midɛ so ʎaa kɔɛ lobɔɛ.

²⁸ Gbaã, Tete kɔɛ lobɔɛ loba kayiiso, fie loobɔɛ i kayiiso loto lokpese lokɛɛ ɔ̃ kɔɛ.”

²⁹ Marasuãdze ɔɣere wũ so, “Eɣɛɛ, kini ato aɔɛ bo ika aɔi fie iide agbã ame ne.

³⁰ Kini botsue so aɣe ira biara ne iinya so kuwẽ aakarɛ-ɔ kaira ne. Iki i nnegbe iso ne, boofó boɔɛ so ʎaa kɔɛ abɔɛ.”

³¹ Yesu ɔtã ma mmuai so, “Miofó midɛ kini?

³² Ɔwi to ɔba fie ɔ̃ɔɣo, gɔ mi ɔɔɔɔ to miasame miɣe me mikelɛ mi ayo ikuti wũ ɔnɔwẽ. ʎɛɛ loide wũ ɔnɔwẽ alaso Tete piagu me.

³³ Loɔɣere mi ara wagbe si so aaxɔ mi i mi mawẽ ibaragu me ame. Kayiiso to kaatã miwe inye, ɣɛɛ mina ɔtu alaso loɔɔɛ kayiiso iso!”

17

Yesu Ɔkparama Kayi.

¹ Gɔ Yesu ɔɣe ara wagbe ɔro ne, ɔkɔɛ ano ɔnyɔ kato, ɔɣe so, “Tete, ɔwi ɔ̃ɔɣo. Kɔɛ fɔ Ɔbi iyere kato si fɔ Ɔbi ana aakɔɛ fɔ ire kato.

² Alaso atã wũ ɔle i maturi ɔɔɔɔ iso so ɔatã mma ɔɔɔɔ asu atã wũ ngbã me nna katui.

³ Ngbã me nna katui karɔ̃ ndɛ so maatsue so fɔ ɔnɔwẽ ndɛ ʎaa gbaã fie maatsue Yesu Kristo gɔ apia katɔme ana.

⁴ Lookɔɛ fɔ iyere kato i karɔ̃ iso, alaso looro karabara ga apia me so lobara.

⁵ Kiniõ ne Tete, kòɛ wũ iyere kato i fò anò ise iabo ngbegò losia ku òwi gò lowe i fò kòɛ ta kayi karõkasékõ.

Yesu Okparama Kayi Otã O Marasuãdze.

⁶ “Looɔɔi-ò lote mma atã me abòɛgu i kayi ame. Fò mare maɔe, fie fò losu ma atã me. Makã fò itõme atsue,

⁷ fie kiniõ ne, ka maɔe sò ira biara ne atã me ne, fò kòɛ ibòɛ.

⁸ Loɔere ma katõme ga apia me, fie mafò kã. Maɔe sò gbaã ne, fò kòɛ lobòɛ fie mafò maɔe sò fò lopia me katõme.

⁹ Loito lokparama kayi lotã kayiiso, ɔɛ mma atã me iti loto lokparama kayi, alaso fò mare maɔe.

¹⁰ “Mma oduɔdu nde wũ mare ne, fò mare maɔe. Fie mma oduɔdu nde fò mare ne, wũ mare maɔe. Ma iso ase akòɛ wũ iyere kato akigu.

¹¹ Kiniõ ne, ka loba fò kòɛ, losiina i kayiiso, ɔɛ ma mapia i kayiiso. Tete Sekelea, dzuẽ ma i òle gò mpia i fò iyere ne atã me ame sò maɔe mawẽ le kumegò i bo gu-ò de mawẽ.

¹² Owi gò lopia i ma kòɛ ne, lodzuẽ ma ala òle gò mpia i iyere ne atã me ame. Lodzuẽ ma sò ma kuwẽ iiyu ido ngò ikote sò òayu, sò nne matsere mase i Oko Sekelea ame aaba i ne ame.

¹³ “Oɛ kiniõ ne, ka loba fò kòɛ. Loɔe atõme wagbe i kayiiso sò wũ isoɔo aayi ma situ ame pòpòpò le kumegò mme wũ loba isoɔo kiniõ.

¹⁴ Loɔere ma fò itõme fie kayiiso otsiri ma alaso maide kayiiso mare le kumegò mme wũ loide kayiiso òre.

15 “Loito lokare sɔ mɔẽ ma ɔi i kayiiso, ɣee nne loto lokare nde sɔ dzuẽ ma ɔi bɔregu i Tsirise nrɔɔ ame.

16 Kumegɔ ame loide kayiiso ore ne, ngbo ame ma wũ maide kayiiso mare ne.

17 Bara ma sekelee iki i ɔnukuare ame, fɔ itɔme nde ɔnukuare.

18 Lopia ma kayiiso maturi kɔre le kumegɔ fɔ wũ apia me kayiiso.

19 Ma ɔso ne, lobara so sekelee lotã-ɔ sɔ ma wũ ne, maabara so sekelee gbaã matã-ɔ.

Yesu Okparama Kayi I Mafɔdedze Ɔɔɔɔɔ Iti.

20 “Iide ma ɔnɔwẽ saã iti loto lokparama kayi, ɣee mma ana ɔɔɔɔɔ loafɔ me maɔe iki i ma itɔme iso iti.

21 Tete! Tã sɔ ma ɔɔɔɔɔ aade mawẽ. Mawe i bo ame le kumegɔ apia i wũ ame fie mme wũ lopia i fɔ ame. Maɔe mawẽ si kayiiso maturi aafɔ maɔe sɔ fɔ lopia me katɔme.

22 “Lopia ma kuware le kumegɔ apia me kuware sɔ si maade mawẽ le kumegɔ i bo gu-ɔ de mawẽ.

23 Lopia i ma ame, fie fɔ wũ apia i wũ ame sɔ maade mawẽ pelepele sɔ kayiiso aatsue sɔ fɔ lopia me katɔme fie ase aɔɔe fɔ mabi le kumegɔ ase aɔɔe me.

24 “Tete! Fɔ losu ma atã me fie loto lobie sɔ mawe i ngbego lopia fie maanya wũ ikpawai ne atã me. Alaso ato aɔɔe me fie abara kayiiso.

25 “Tete Bololɔa! Kayiiso maturi iixe-ɔ, ɣee mme loxe-ɔ, fie mmagbe xe sɔ fɔ lopia me katɔme.

²⁶ Loḍi-ɔ lote ma fiε loto loakεlεgu i katõ lobara ngbo so kuḍɔε go aba atã me aawe i ma ame fiε mme wũ loawe i ma ame.”

18

Mamõ Yesu.

¹ Go Yesu okparama kayi ɔro ne, ɔruigu õ marasuãdze mawara Kidron Kaworenya makele nnõĩ adziri kakpekõ kawẽ ame.

² Yuda go loḍi Yesu otã ana xe mmɔ, alasɔ ɔwi gbodzoo ame ne, Yesu se oko õ marasuãdze mase maasare i mmɔ.

³ Ne ɔso Yuda oko makpakpẽdze ikuri iwẽ gu kasɔrekõ madzuẽse ma i masɔredze makpakpa gu ma Farisise ɔsese kakpekõ gamo ame. Mato akpira, kaka sito gu sikaniε.

⁴ Yesu xe ira biara ne loabɔre wũ iso, ne ɔso ɔbɔre ɔya i katõ okare ma so, “Nna mito mibie?”

⁵ Matã wũ mmuai so, “Yesu Nasaretse boto bobie.”

Ne Yesu ɔxere ma so, “Mme nde wũ.” Yuda go loḍi wũ otã ana xe i ma kore mmɔ.

⁶ Go Yesu ɔxere ma so, “Mme nde wũ” ne, mase simasima mabɔre marõ.

⁷ ɔledza ma ikare so, “Nna mito mibie?”

Maledza wũ mmuai itã so, “Yesu Nasaretse.”

⁸ Ne Yesu ɔxere ma so, “Loɔxere mi koko so mme nde wũ ne, ne ɔso si mme mito mibie ne, midji mmagbe ori si makele.”

⁹ ɔxe nnegbe si itõme ne ðoxere ma ɔdegu katõ aaba i ne ame so, “Tete, mma asu atã me ne, loiyura ma kuwẽ.”

10 Ne Simon Petro gɔ nto ipemi ɔɔɔ ne i ɔyue ame ɔwe sɔredzekpakpa pelepele ɔɔɔabo kuɔdearɔ̃ kutsue ɔtara. ɔɔɔabo gɔmɔ marɔ sɔ Malkos ne.

11 Ƴɛɛ Yesu ɔɔere Petro sɔ, “Kpesera fɔ ipemi pia i ne kawekɔ̃. Iikote sɔ loane inyewe ikɔi ne i Tete ɔtã me?”

Mako Yesu Makelegu Hana Katɔ̃.

12 Ne kama ne, Roma makpakpɛɔdze gu ma ɔkpakpa gu ma Yudase madzuɛse ɔmɔɛ Yesu, manyi wũ.

13 Mako wũ makelegu Hana kɔre. Hana gɔgbe nde mase ɔtã Kayafa gɔ nde sɔredzekpakpa pelepele ku iko nemo ne.

14 Kayafa gɔgbe ame ɔɔde lotã ma Yudase adzuni sɔ ile ido sɔ ɔturi ɔwɛ aakpi i kaɔde ɔɔɔɔɔɔɔ ite ne.

Petro ɔsɛ Sɔ Ƴiye Yesu.

15 Simon Petro gu rasuãdze ɔwɛ ɔsiai Yesu i kama. Gɔ makele sɔredzekpakpa pelepele iyo ne, rasuãdze gɔmɔ ɔ̃ ɔbo i iyo ame, alasɔ ma gu sɔredzekpakpa ɔye so kukaako.

16 Ƴɛɛ Petro ɔye i inyamɔ. Rasuãdze gɔmɔ ɔkpese ɔkele kayogodɔ̃ ɔse ɔɔadegu ɔbirɔ̃gomi gɔ nto ɔɔɔɔ̃ mmo ika fie ɔtã wũ ɔri ɔko Petro ɔbogu i iyo.

17 ɔbirɔ̃gomi gɔ nɔye i kayogodɔ̃ mmo ɔkare Petro sɔ, “Fɔ wũ iide ɔrerɛ gɔgbe rasuãdze ɔwɛ adɛ, ɔye?”

Ne Petro sɔ, “Ooɔo lo, loide ma ɔwɛ!”

18 ɔyu pia, ne ɔso maɔabo gu madzuɛse ɔpia ɔto maɔe maki malo mato mawa. Ne ɔso Petro ɔye i ma kɔre ɔto ɔwa ɔto.

Sɔɛdzekpakpa Pelepele ɔkare Yesu Atɔme.

¹⁹ Sɔɛdzekpakpa pelepele ɔkare Yesu atɔme ɔsegu i ɔ marasuãdze gu ɔ ara wa ɔto ɔte iso.

²⁰ Ne Yesu ɔɣere wũ sɔ, “Ɖwi biara lopia loto lote maturi ara i ɔgbami, fie wũ ara ite ɔɖuɖu ana ne, lote wã i kasarekɔ gu Isɔreyo ame ngbego i ma Yudase ɔɖuɖu ɔsakanya, ne ɔso loite kuira i iwere ame.

²¹ Be ɔso mme ato akare atɔme? Kare mma lonɔ wũ ara wa lote ma. Maɣe nne loɣe.”

²² Gɔ Yesu ɔɣe ngbɔ ne, dzuẽse ɔwẽ gɔ nɣe i mmo ɔpe wũ ɔrɔta i kutsueti ɔkare wũ sɔ, “Sɔɛdzekpakpa pelepele ato aɖegu ika ngbɔ?”

²³ Ne Yesu ɔɣere wũ sɔ, “Si loɣe nne loile ne, ɣere ɔbiara i ngbe nne loɣe fie iile, ɣee si loiɣe kuira nyanyarĩa ne, be ɔso ato ape me ɔrɔta?”

²⁴ Ne ɔso Hana ɔkpeseɣu Yesu gɔ manyi nɔɔ ɔsese Kayafa gɔ nde sɔɛdzekpakpa pelepele kɔre.

²⁵ Gɔ Simon Petro ɣe ɔtogu ɔto iwa ne, mma nɣe i mmo ɔkare wũ sɔ, “Fɔ wũ ne, iide ɔrerẽ gɔgbe rasuãdze ɔwẽ aɖe, ɣee?”

Ƴee Petro ɔsẽ, ɔɣe sɔ, “Loide ma ɔwẽ!”

²⁶ Sɔɛdzekpakpa pelepele maɖabo ɔwẽ gɔ i Petro ɔtu kutsue ɔnyii ana ɔɣe sɔ, “Nniso lonya-ɔ fo wũ i kakpekɔ ame ku ɔrerẽ gɔgbe?”

²⁷ Ngbe ana ne, Petro ɔɣe sɔ, “Ooɣo!” Ɖluwẽ ne, kɔkɔ ɔbo.

Makɔ Yesu Makelegu Pilato Kɔre.

²⁸ Kaya tutuutu ne, makɔ Yesu mabɔreɣu i Kayafa iyo makelegu abã ɔkpakpa iyo. Gɔ ma Yudase makpakpa ɔsekelera so sɔ maawo Kukpi

Ɔtakuwara Bo Iyi aɔera ɔɔe ɔso ne, maibo i iyo ame.

²⁹ Ne ɔso Pilato ɔbɔre ɔkele ma kɔre i inyamɔ ɔkare ma sɔ, “Mme ikpi i ɔrerẽ gɔgbe ɔbara?”

³⁰ Matã mmuai sɔ, “Si ãibara ikpi kuiwẽ ne, boibakɔ wũ bobɔ-ɔ.”

³¹ Ne Pilato to ɔɣere ma sɔ, “Iyɔ mi mɔmɔ mikɔ wũ mikelɛgu miaɣɛgu wũ atɔme i mi mmara kanya.”

Matã wũ mmuai sɔ, “Maitã bo ɔri sɔ boatã ɔturi kukpi ipɔ.”

³² Nnɛgbe ɔba ngbɔ sɔ nne i Yesu mɔmɔ ɔɣe ɔsu ɔte kukpi gɔ igbã ãakpi ɔba i ne ame.

³³ Pilato ɔkpese ɔbo i atɔmekayɛkɔ ɔkare Yesu sɔ, “Fɔ nde ma Yudase igara?”

³⁴ Ne Yesu ɔkare wũ sɔ, “Fɔ mɔmɔ kɔre i itɔme nɛgbe ɔbɔre ɛɛɛɛɛ manyiɔ loɔe-ɔ wũ iso ika?”

³⁵ Pilato ɔtã wũ mmuai sɔ, “Ɔ Yudase loɔe? Fɔ mɔmɔ maturi gu masɔɛdze makpakpa loko-ɔ mabɔ me. Be ide abara?”

³⁶ Ne Yesu ɔɣe sɔ, “Wũ sigarakadekɔ iibɔre i kayi gagbe iso, si ngbe sibɔre ne, tee wũ makpabo aakpẽ mafɔ me mabɔɛgu i ma Yudase nrɔɔ ame, ɣɛɛ ne, wũ sigarakadekɔ iibɔre i ngbe!”

³⁷ Pilato ɔkare wũ sɔ, “Ne iyo igara aɔe?”

Ne Yesu ɔtã mmuai sɔ, “Fɔ nto aɣe sɔ igara loɔe. Ira ka iwẽ nɛgbe ɔso fie maɣe me mapia i kayi gagbe ame ne, sɔ loayɛ ɔnukuare. Ɔbiara gɔ nde ɔnukuare ɔre se ɔkã me atsue.”

³⁸ Ne Pilato ɔkare wũ sɔ, “Be nde ɔnukuare?”

Ne Pilato ɔbɔre ɔkele ma Yudase kɔre i inyamɔ ɔɣere ma sɔ, “Loinya ikpi kuiwẽ ne iso loaya fie loatã wũ kukpi ipɔ lo.

³⁹ Ὑεε i mi kubarara kanya ne, nse lođi yoredze ɔwẽ lotã mi ku Kukpi Ɔtakuwara Bo İyi ɔđewi biara. Ne ɔso lonyua ma Yudase Igara lotã mi?"

⁴⁰ Mala kulu matã mmuai sɔ, "Ooɔo, boibie wũ! Bobie Baraba!" Baraba gɔgbe ne, ɔturi gɔ lota ɔya abã iso ɔđe.

19

Matã Yesu Kukpi Iɔ.

¹ Ne ɔso Pilato ɔtã makpakpɛdze ɔko Yesu maruigu mase maape wũ nyanyarĩ ku ala iporoibi.

² Masu miyu mabara ala sigaraikoto masu matɔmedza wũ fie ka masu ɔgo rɛtea ɔkati mafu wũ le igara.

³ Mabore mabo wũ mafa kayiđu sɔ, "Ȳii-Ȳiiđuu! Ma Yudase Igara o-o!" Maɣe ngbo ne mapɛ wũ sirɔta.

⁴ Pilato ɔledza ibɔre ikele ise iaɣere ma Yudase sɔ, "Minyɔ, loto loko wũ lobo mi si minya sɔ loinyagu wũ ku ikpi ne ɔso loatã wũ kukpi ipɔ."

⁵ Ne ɔso Yesu ɔbɔre ɔba ɔtɔme miyu ikoto fie ka ɔpia ɔgo awu rɛtea tagbaraa. Ne Pilato ɔɣere ma sɔ, "Minyɔ wũ! Ɔturi i ngbe ne!"

⁶ Gɔ masɔredze makpakpa gu Isɔreyo madzuẽse ɔnya wũ ne, mala kulu sɔ, "Pɛ wũ matãra i kudziri iso! Pɛ wũ matãra i kudziri iso!"

Ne Pilato ɔɣere ma sɔ, "Miko wũ mikɛlegu miape wũ mimatãra i kudziri iso, ɣeɛ mme ne, loinya ikpi kuiwẽ ne ɔso loatã wũ kukpi ipɔ."

7 Ne maturi to mala kulu maḡe sɔ, “Boba mmara me loḡe sɔ ikote sɔ ðakpi, alaso ɔto ɔkpere so sɔ ʒaa ɔbi ɔde.”

8 Gɔ Pilato ɔno nnegbe ne, ifɔ ɔmoẽ wũ ibua.

9 Ne ɔkpese ɔkele iyo ame fie ɔkare Yesu sɔ, “I le abɔre?” ʒee Yesu iitã wũ mmuai.

10 Pilato ɔkare wũ sɔ, “Be, aito apia me kanya? Tsue sɔ loba ɔle gɔ loawo-ɔ ɔnyua ʒee lotã mapɛ-ɔ mamatãra i kudziri iso!”

11 Mmɔ i Yesu ɔtã wũ mmuai sɔ, “ɔle gɔ kɔra aba i wũ iso ne, ʒaa pe lotã-ɔ ɔso. Ne ɔso ngo loɖi me ɔtã-ɔ ɔbara ikpi siare ɔɖo-ɔ.”

12 Nnegbe ɔso ne, Pilato ɔbie sɔ si ɔnyua wũ, ʒee ma Yudase ɔla kulu teteree sɔ, “Si anyua ɔrerẽ gɔgbe ne, iyo aide Roma Igarakpakpa ɔlaa. ɔbiara gɔ losera sɔ sigara ne, ɔta ɔya i Igarakpakpa iso!”

13 Gɔ Pilato ɔno atɔme wagbe ne, ɔko Yesu ɔkelegu inyamɔ. ɔse ðase i iyara ne iso mase mase maḡe atɔme fie mase marɔ ne sɔ Itabɛba iso. I ma Yudase siɖe ame ne, mase marɔ mmɔ sɔ Gabata.

14 Iyi nemɔ nde Iledzaso itã Kukpi ɔtakuwara Bo Iyi ide ne.

Ne Pilato ɔɣere ma sɔ, “Nya mi Igara ngbe!”

15 Ne mala kulu teteree sɔ, “Kɔ wũ ruigu! Kɔ wũ ruigu! Pe wũ matãra i kudziri iso!”

Ne Pilato ɔkare ma sɔ, “Lope mi Igara lomatãra i kudziri iso?”

Ne masɔredze makpakpa ɔtã mmuai sɔ, “Bona igara kuwẽ idɔ Roma Igarakpakpa Kaisaro!”

16 Gɔ maɣe ngbɔ ne, Pilato ɔtara Yesu ɔpia ma i nrɔɔ ame sɔ mase maape wũ mamatāra i kudziri iso.

Maape Yesu Mamatāra Kudziri Iso.

Ne ɔso makpakpɛdze okɔ Yesu maruigu.

17 Gɔ matā wũ ɔsore ɔdziri ne, mako wũ makelegu ngbegɔ marɔ Itikui Kabemi. Fie si Hebrise ame ne, mase marɔ mmɔ sɔ Golgata.

18 Maape wũ mamatāra i kudziri iso i ngbe. Maape maturi inyɔ mawẽ ana mamatāra i ma adziri iso mabua wũ iso. Ɔwẽ i kuɖearɔ iso, ɔwẽ ana i kubena iso fie Yesu ka ɔpia ma i ndẽ.

19 Pilato ɔtā matsere mamatāra i Yesu sitikpe sɔ, “Yesu Nasaretse, Ma Yudase Igara.”

20 Ma Yudase gbodzoo ɔka ira ne matsere masia i kudziri iso alaso ngbegɔ maape Yesu mamatāra i kudziri iso ɔbore imatā Yerusalem. Ana ne, matsere i si Hebrise gu si Romase gu si Helase ame.

21 Masɔredzekpakpa iitorā, maɣere Pilato sɔ, “Daatsere sɔ ‘Ma Yudase Igara,’ ɣee tsere sɔ, ‘Ngɔgbe nto ɔɣe sɔ ɔ nde ma Yudase Igara ne.’ ”

22 Ƴee Pilato ɔsẽ, ɔɣere ma sɔ, “Nne lootsere ne, lootsere koko.”

23 Gɔ makpakpɛdze ɔpe Yesu mamatāra i kudziri iso maro ne, maɣe ɔ arapia aka ana, kpakpɛdze biara ɔfo ika iwẽ. Awu awẽ ɔkuti wa iide ɔkã makã ɣee ɔwe mawe wã ita i kato ise iabore i kala.

24 Makpakpɛdze ɔɣere sɔ sɔ, “Midaatā boke wã, ɣee mitã bobara kareremi si bonyɔ sɔ nna aaxo.”

Iba ngbɔ sɔ nne matsere mapia i Ōko Sekelea
ame aaba i ne ame sɔ,

“Masu wũ arapia maɣe sɔ.

Fie mabara kareremi i wũ awu iso.”

Ne ɔso ngbɔ tutuutu i makpakpɛdze ɔbara ne.

²⁵ Kudziri gɔ iso mape Yesu mamatāra kɔre ne,
marɔgo mawẽ xe. Ma nde Yesu ɔnyi gu ɔ onyiibi
gu Klopa ɔre Maria gu Maria Magdalase.

²⁶ Gɔ Yesu ɔnya ɔ ɔnyi gu ɔ rasuādze gɔ ɔise
ɔpia kuɣe xe mabore mamatā wũ ne, ɔɣere ɔ
ɔnyi sɔ, “Mmā, nya fɔ ɔbi!”

²⁷ Ne ɔɣere rasuādze gɔmɔ ana sɔ, “Fɔ wũ, nya
fɔ ɔnyi.” Ne ɔso ita i iyi nemo ne, rasuādze gɔgbe
ɔko Yesu ɔnyi ɔkelegu ɔ iyo ɔnyɔ wũ iso.

Yesu Ōkpi.

²⁸ Yesu xe sɔ ira biara ɔba kawirikɔ, ɣee si nne
matsere mase aaba i ne ame ne, ɔɣe sɔ, “Ōme to
ɔkore me.”

²⁹ Itudura iwẽ se i mmɔ iyi ku ndā bea. Ne ɔso
masu ɔɔti pukupukua mapia i me ame maɔu i
ɔdziri iso masɔ Yesu i kanya.

³⁰ Gɔ ɔfo ndā bea memɔ ɔro ne, ɔɣe sɔ, “Iɔro
kini!”

Gɔ ɔɣe ngbɔ ne, ɔbɔ iti karɔ kere ne ɔsora ne.

Makpakpɛdze Ōtsue Yesu Ira I Iwāgese.

³¹ Iledzaso itā Iwarāyi iyi iso ide i ara wagbe
ɔba, fie kaɔesɛa de Iwarāyi sekelea itā ma
Yudase, ne ɔso maibie sɔ makpise si mamatā
i adziri iso ku Iwarāyi. Ne ɔso mase maɣere
Pilato sɔ ɔtā ɔri si mase maafefẽ ma ngba si
mabese ma i adziri iso.

32 Ne ɔso makpakpɛdze ɔba maturi inyɔ ma mapɛ mamatãra i adziri iso ku Yesu kɔrɛ. Mafẽ ɔɔeakatɔ gu ɔnyɔare ngba.

33 Yɛɛ gɔ mabo Yesu iso ne, manya sɔ ɔɔkpi koko ne ɔso maisifẽ ɔ ngba.

34 Yɛɛ kpakpɛdze ɔwẽ ɔsu ɔ ifele ɔtsue Yesu iwãgɛsɛ fiɛ ndu gu ima ɔbɔrɛ.

35 Ngɔ lonya sɔ ara wagbe ɔba ɔɔɛ loɔɛ wã aɔansie sɔ si fɔ wũ aafɔ aɔɛ. Ara wa ɔɔɛ ne, gbaã idɛ fiɛ ɔɔɛ sɔ ɔnukuare idɛ ɔɔɛ.

36 Iba ngbɔ sɔ nne matsɛrɛ masɛ i ɔko Sekelea ame aaba i ne ame sɔ, “Maibafẽ ɔ ikui kuiwẽ.”

37 Matsɛrɛ masɛ i kakɔi mama ana sɔ, “Mato maanyɔ ngɔ matsue ira.”

Mabiara Yesu.

38 Nnegbe kama ne, Yosef gɔ lose i Arimatea ɔba ɔakarɛ Pilato sɔ ɔsu Yesu kpise ɔtã wũ. ɔɔɛ Yesu rasuãdze ɔɛɛ i iwɛrɛ ame alasɔ ɔto ɔnigã ma Yudase makpakpa ɔso ne. Pilato ɔɔɛ wũ ɔri, ne ɔso ɔsu kpise ɔruigu.

39 Nikodemo gɔ loba Yesu kɔrɛ ku kasẽ ɔnya ana ɔba. ɔsu awa wa masu korobo gu awa kɔrɔkɔrɔã mabara ala fiɛ masɛ masu maledza ala makpise fiɛ wã ɔrɔrã aadɛ lɛ ito iwẽ ɔbɔ.

40 Marɛrẽ inyɔ magbe ɔsu awa mapia i ɔkati ame mamini kpise, kumɛgɔ i ma Yudase sɛ mabara fiɛ masɛ mabiara ɔturi.

41 I ngbegɔ mapɛ Yesu mamatãra i kudziri iso ne, kakpekɔ kawẽ pia i mmɔ. Ikpibio ɔɛtɛ ne ame maibiara ɔturi manya ana se i kã ame.

42 Gɔ kaɔesɛa to iadɛ Iwarãyi fiɛ ikpibio nɛmɔ ɔɔbore imatã mmɔ ɔso ne, masu Yesu mabiara i mmɔ.

20

Yesu Ota Obore I Makpise Ame.

¹ Kosiɗa kaya tutuutu go kayi iikpa karo ne, Maria Magdalase okɛle ikpibio kore fie onya so maoli ita ne mali matɛ ikpibio kanya maɗi.

² Otere okɛle Simon Petro gu rasuãdze go i Yesu iise opia kuɣe kore ose ðayere ma so, “Maomɔɛ Bosate maɗi i ikpibio ame fie boiɣe ngbegɔ masu wũ mase!”

³ Petro gu rasuãdze gomɔ ota so makele ikpibio kore.

⁴ Ma inyoɔ otere ise, ɣee rasuãdze gomɔ otere oɗe Petro katɔ obo ikpibio kore.

⁵ Obo iti karɔ onya sikati fudza dzemɔ, ɣee ðibo i ikpibio ame.

⁶ Go Simon Petro otere obo ðabo ne, ofe obo i iwo ame, onya sikati fudza dzemɔ go sise.

⁷ Onya okati go masu manyi Yesu iti ana. Ɔisakanyagu okati go masu mamini Yesu kore, ɣee makarĩ mase i kurue.

⁸ Mmɔ i rasuãdze nyɔare go loɗe katɔ ð wũ obo i ikpibio ame. Onya ara wagbe fie ka ofo oɗe.

⁹ Ƴee ta kiniɔ ne, mainɔ karɔ nne i Oko Sekelea oɣe so Yesu aata obore i makpise ame.

Yesu Oɗi So Ote Maria Magdalase.

¹⁰ Ne marasuãdze okpese makele iyo ne.

¹¹ Ƴee Maria Magdalase obo oɣe i ikpibio kore oto obie. Go otogu kaku ibie ne, obo iti karɔ onyo ikpibio ame ne,

¹² onya Ƴaa makpabo inyo ma mpia ara fudza go masi i ngbegɔ marara Yesu. Owe si i sitikpe fie owe ana si i ngbalɔ.

13 Ne makare wũ so, “Ɔrõgo, be ɔso ato abie?”

Ne ɔyere ma so, “Manyiio ɔsu wũ ɔkɔse maruigu fie loiye ngbegɔ masu wũ mase.”

14 Gɔ ɔpe ɔfiniki ne, ɔnya Yesu xe wũ i kɔre, xe ɔiye so Yesu ɔde.

15 Ne Yesu ɔkare wũ so, “Ɔrõgo, be ɔso ato abie? Nna ato abie?”

Ye Maria ɔbu so ngo nto ɔnyɔ mmɔ iso ɔde, ne ɔso ɔyere wũ so, “Bokɔse, loto-ɔ i kukpa, si fo losu wũ ase i kakoi karere ne, te me ngbegɔ ase wũ si lose loasu wũ.”

16 Mmɔ i Yesu ɔkperere wũ so, “Maria!”

Gɔ Maria ɔfiniki ɔnyɔ wũ ne, ɔla kulu i si Hebrise ame so, “Rabuni!” gɔ ne karõ nde so Ratedze.

17 Ne Yesu ɔyere wũ so, “Daasimɔẽ me, alaso loikɛle Tete kɔre i kato. Ye ne, kele wũ manyiibi kɔre si ase aayere ma so, loto lokpese lokɛle wũ ya gu nde ma ya gu wũ Ɔse gɔ nde ma Ɔse kɔre.”

18 Ne ɔso Maria Magdalase ɔse ɔayere marasuãdze so ɔnya Bosate fie ka ɔyere ma ara wa i Yesu ɔyere wũ.

Yesu Ɔdi So Ɔte Ɔ Marasuãdze.

19 Kɔsiɔa gɔmɔ kutsue ne, marasuãdze ɔsakanya. Masẽ iyo mapia so ala mato manigã ma Yudase makpakpa. Ɔluwẽ ne, Yesu ɔba ɔaya i ma ndẽ ɔyere ma so, “Isobue itã mi.”

20 Gɔ ɔyere ma ngbo ɔro ne, ɔsu ɔ nroɔ gu iwãgese ɔte ma. So ɔxo marasuãdze gbaã alaso manya Bosate.

21 Ne Yesu ɔledza ma iɣere sɔ, “Isobue itã mi, kumεɔ ame i Tete ɔpia me katõme ne, ngbɔ ame loto lopia mi ne.”

22 Ne ɔwarã ɔfere ma iso ɔɣere ma sɔ, “Mifo Siwarã Bielea.

23 Si misu maturi akpi mitse ma ne, ʎaa to ðasu ɔtse ma, ɣεε si miisu mitse ma ne, ʎaa iibasɔ ɔtse ma.”

Yesu Ɔɔɔi So Ɔte Toma.

24 Ɔwi gɔ i Yesu ɔba ma kɔre ne, marasuãdze iweo-inyɔ ndë ɔwë gɔ nde Toma fie mase marɔ sɔ Inyɔɔbi na i ma ndë.

25 Ne ɔso marasuãdze tsɔra ɔɣere wũ sɔ, “Bonya Bosate!”

Ne Toma ɔɣere ma sɔ, “Gbɔgbɔɔgbɔ lonya aɣeipã wa i ð nɔɔ, losu wũ kɔrɔ lopia i apã wamɔ ame gu ð iwãgese ame ne, loibafɔ loɔe lonya.”

26 Ɖape ɔwë kama ne, marasuãdze pia i iyo fie Toma ana ɔwe i ma ndë. Masë akui mapia so ɣεε Yesu ɔba ðaya i ma ndë. Ne ɔɣere ma sɔ, “Isobue itã mi.”

27 Ne ɔɣere Toma sɔ, “Ba su fɔ irɔi pia i ngbe. Nyɔ wũ nɔɔ si asu fɔ kɔrɔ apia i wũ iwãgese ame. Nyua ɔwararã si afo aɔe!”

28 Ne Toma ɔɔi kanya sɔ, “Wũ Sate gu wũ ʎaa!”

29 Ne Yesu ɔkare wũ sɔ, “Ɔɔfo aɔe alaso ɔnya me? So aaxɔ mma loise manya fie mase mafɔ me made!”

Nne Ɔso Matsere Ɔko Gɔgbe.

30 Yesu ɔbara awawãra gbodzoo i ð marasuãdze kɔre wa maitserɛ mapia i ɔko gɔgbe ame.

³¹ Ƴεε matsere nwigbe mase so si aafɔ aɔe so Yesu nde Kristo gu Ƴaa Ɖbi, fie iki i ɔ ifo ide ame ne, aana ngbã.

21

Marasuãdze Ɖnya Yesu I Ɖpo Katõ.

¹ Nwigbe kama ne, Yesu oledza so idi ite ɔ marasuãdze i Tiberia Ɖpo kanya. Kumεgo oɔi so ote ma i ngbe ne.

² Iyi iwẽ ne, Yesu marasuãdze mawẽ osikanya. Ma nde Simon Petro gu Toma go mase maro so Inyɔɔbi gu Nataniel go lobore i Kana i Galilea karõ iso gu Zebedeo mabi gu marasuãdze inyɔ mama.

³ Ne Simon Petro oɣere ma so, “Lose akpe kaɔikõ.”

Ne matsora ana oɣe so, “Bo wũ boaba bokεε.” Ne oso ma oɔuɔu obo i okolo ame makeε, Ƴεε kasẽ oɔuɔu ne, maiɔi ikpe kuiwẽ.

⁴ Kaya go kuɣẽ osõ kuto kuba ne, Yesu oba ɔɔya i obo kanya, Ƴεε marasuãdze iiye so ɔ oɔe.

⁵ Ne okpere ma okare so, “Maporoporoi, miɔɔi akpe awẽ?”

Matã wũ mmuai so, “Ooɣo!”

⁶ Ne oɣere ma so, “Mipia mi asabu i mi okolo kuɔearõ iso ne mito miɔɔi akpe.” Go mapia asabu ne, maiwo okpadzẽ ala akpe gbodzoo wa mamɔẽ oso.

⁷ Rasuãdze go i Yesu iise oɔpia kuɣe oɣere Petro so, “Bosate oɔe lo!” Go Petro onɔ so Bosate oɔe ne, osu ɔ kato awu okpasa alaso oɔi wã ose. Okole obo i ndu ame oɣa ndu okεε okpokpo.

⁸ Marasuãdze tsɔra ɔse ɔkolo ame maba mato makpadzẽ asabu wa loyi ku akpe. Ma gu ɔkpokpo ndẽ aade le nroõ siru kere.

⁹ Gɔ maso i ɔkpokpo ne, manya sɔ mapia ɔto i mmɔ ikpe sia iso, abolo ana se i mmɔ.

¹⁰ Ne Yesu ɔɣere ma sɔ, “Midji akpe wa mimɔẽ awẽ mibo.”

¹¹ Ne Simon Petro ɔya ɔbo i ɔkolo ame ɔkpadzẽ asabu wa loyigu akpe siare ɔbo ɔkpokpo ne. Akpe ɔduɔdu ɔe kulafa gu siru-ate, ɣee atoa sɔ asi ngbo ne, asabu iikeke.

¹² Ne kama ne, Yesu ɔɣere ma sɔ, “Miba miade ara.” Ƴee ma kuwẽ iiwe ɔtu ɔkare wũ sɔ, “Fɔ nde nna?” alaso maɣe sɔ Bosate ɔɔe.

¹³ Ne Yesu ɔbore ɔbo ɔsu abolo ɔtã ma, ne kama ne, ɔsu ikpe ana ɔtã ma.

¹⁴ Nnegbe nde ɔkpe teare gɔ i Yesu ɔɔi so ɔte ɔ marasuãdze gɔ ɔta ɔbɔre i makpise ame ne.

¹⁵ Gɔ maɔe ara maro ne, Yesu ɔkare Simon Petro sɔ, “Simon, Yohanes ɔbi, ato adɔe me adɔ matsɔra magbe?”

Ne Petro ɔɣe sɔ, “Aĩ, Bosate, fɔ mɔmɔ aɣe sɔ loto loɔɔe-ɔ.”

Ne Yesu ɔɣere wũ sɔ, “Nyɔ wũ aserebi iso.”

¹⁶ Ɔkpe nyɔare ne, Yesu ɔledza wũ ikare sɔ, “Simon, Yona ɔbi, ato adɔe me?”

Ne Petro ɔledza iɣe sɔ, “Aĩ, Bosate, fɔ mɔmɔ aɣe sɔ loto loɔɔe-ɔ.”

Ne Yesu ɔɣere wũ sɔ, “Nyɔ wũ masere iso.”

¹⁷ Ɔkpe teare ne, Yesu ɔledza Petro ikare sɔ, “Simon, Yona ɔbi, ato adɔe me?”

Idaa Petro, alaso Yesu ɔledza wũ ikare ɔkpe teare sɔ ato adɔe me, ne ɔso ɔtã mmuai sɔ,

“Bosate! Fɔ mɔmɔ aɣe ira biara, fie aɣe sɔ loto lodɔɛ-ɔ.”

Ne Yesu ɔɣere wũ sɔ, “Nyɔ wũ masere iso.

¹⁸ Gbaã loto loɣere-ɔ sɔ ɔwi gɔ aɖe ɔporoporo ne, ase aledza sɔ abɔre ase ngbegɔ aɖɔɛ, ɣee si ɔɔbe ne, ato atara fɔ nroɔ kato, ɔturi mama ɔnyi-ɔ ɔkati, ɔko-ɔ ɔkɛlegu ngbegɔ aito abie sɔ aase.”

¹⁹ Yesu ɔɣe nnegbe si ɔsu ɔte kukpi gɔ igbã i Petro aakpi ɔsu ɔkolɛ ɣaa iyere kato. Gɔ ɔɣe ngbɔ ɔro ne, ɔɣere wũ sɔ, “Siai me.”

²⁰ Ne gɔ Petro ɔfiniki ne, ɔnya rasuãdze gɔ i Yesu iise ɔpia kuɣe sɔ ɔɣe i mmɔ. Rasuãdze gɔgbe ɔɖe lopiɛte i Yesu iso ku ɔwi gɔ mato maɖe kutsue aɖera ɔkare Yesu sɔ, “Bosate, nna loadji-ɔ ɔtã ne.”

²¹ Ne ɔso gɔ Petro ɔnya wũ ne, ɔkare Yesu sɔ, “Bosate, ne ngɔgbe ð ne, nda iase wũ?”

²² Ne Yesu ɔtã wũ mmuai sɔ, “Si mme sɔ ɔɛ gbɔgbɔɔgbɔ loakpese loba ne, be isu-ɔ i mmɔ? Fɔ ne, siai me.”

²³ Nnegbe ɔso ne, iki ikã i marasuãdze ndě sɔ rasuãdze gɔmɔ iibakpi. ɣee Yesu iixe sɔ ðibakpi, ɔɣe ɔɣe sɔ, “Si mme sɔ ɔɛ gbɔgbɔɔgbɔ loakpese loba ne, be isu-ɔ i mmɔ?”

²⁴ Rasuãdze gɔgbe ɔɖe loɣe ara wagbe fie ɔtsere wã ɔɛ fie boɣe sɔ nne ɔɣe ne, gbaã ide ne.

²⁵ Yesu ɔbara ara gbodzoo gɔ si sɔ matsere wã ɔɖuɖu mase iwě iwě ne, lofɔ loɖe sɔ kayiiso ɔɖuɖu iibana siko dzemɔ karɔkasekɔ.

lxxxii

Siwu

Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

b5020a1a-c7b9-512a-9b46-1e462be571d4